

Minister Maduro: Situacion anterior di deficit y salida di pandemia a pone cu no tabatin placa pa mantene 31 edificio di gobierno



Pagina 3

• **Presidente di SEPPA:** “Nos ta spera cu e gobierno aki tin compromiso real cu su pueblo” Pagina 3

• **Casonan di Gele Koorts den pais hopi bishita pa localnan tin DVG preocupa** Pagina 7

• **Corsou: Lo implementaCodigo di Procedura Criminal nobo den 2027** Pagina 8

UNHCR ta spera un bon cooperacion cu gobierno nobo pa mehora procedura di asilo y proteccion pa migrantenan na Aruba



Pagina 2

Exito di proyecto di e-Government ta depende riba sector priva



Pagina 4

Merca ta busca cooperacion di Latinoamerica pa deportacion di migrantenan



Pagina 10

UNHCR ta spera cu por tin bon cooperacion cu gobierno nobo pa mehora procedura di asilo y proteccion pa migrantenan na Aruba

Ayera mainta e organisacion United Nations High Commissioner for Refugees (UNHCR) a reuni cu formadornan Gerlien Croes y Mike Eman como parti di e proceso di formacion di gobierno cu e formadornan ta hibando. Na salida di e reunion Irene van Rij, director di Oficina Nacional Aruba y Corsou, a duna un declaracion y a contesta pregunta di prensa tocante con e reunion a bay y kico ta puntonan cu a ser treci dilanti.



Van Rij a splica cu durante e reunion cu e formadornan a toca temanan relacion cu e situacion di refugiadonan indocumenta, migrantenan na e isla, e trabou cu e organisacion ta haci na Aruba y con nan por sostene gobierno pa busca solucion y beneficia di e situacion.

El a indica cu por logra esaki door di fortifica e procedura di asilo cu ta andando caba, pero cu esaki por ser fortaleci mas aleu tambe, cual ta un di e cosnan mas importante pa por cumpli cu e tratadonan internacional.

El a sigui splica cu ademá cu nan ta kere cu sigur ta importante pa garantisa claridad tocante e hendenan, esta e refugiadonan, cu ta riba e isla, percura pa nan ta regularisa, cu na su turno ta permiti nan contribui na belasting, na AZV, na SVb y por duna un bon aporte na sociedad aki na Aruba.

Manera ta conoci proceso di asilo na Aruba a ricibi un evaluacion negativo di instancianan internacional. Relaciona cu esaki van Rij a splica cu nan ta contento cu nan, hunto cu e gobierno actual a cuminsa cu e Iniciativa di Garantia di Calidad den cual a duna un cantidad di tip y claridad tocante kico ta necesario pa mehora y fortalece e sistema di asilo. “Nos ta spera di por sigui fortalece cu e gobierno nobo e sistema di asilo aki, pues cu en berdad e ta ser haci segun derecho internacional,” el a indica.

Contestando pregunta di prensa tocante kico a bay robes cu e gobierno actual of kico ta e motibo cu tin evaluacion negativo, van Rij a indica cu loke no ta bon y

cu ta un di e motibonan pa e evaluacionnan negativo ta e hecho cu tin un sistema nobo y aworaki no tin suficiente oportunidad pa garantisa cu personanan cu mester proteccion internacional ta ser filtra.

El a agrega cu e ta kere cu den sosten di e Dimas, di e hendenan cu ta procesa peticionnan di asilo, por tin mejoracionnan den e area aki. “Asina tambe ta duna e personanan mes mas confianza den e sistema di asilo y tambe cu e personanan cu netamente mester di proteccion internacional ta aplica p’e,” el a bisa.

El a indica cu na e momentonan aki nan ta tratando cu migracion mixto, pues tin migrantenan, migrantenan economico, como tambe refugiadonan. El a remarca cu ta importante pa esnan cu mester di proteccion internacional realmente ricibi esaki.

Respondiendo e pregunta si en berdad tin proteccion pa migrante aki na Aruba, van Rij a splica cu esaki ta un e aspecto cu sigur por ser fortaleci. El a indica cu actualmente tin un cantidad di solicitante di asilo, pero nan ta wardando ainda nan resultado pa wak si nan por ser reconoci como refugiado of no.

No ta un secreto cu pa algun tempo caba Aruba ta enfrenta un escasez di trahado, sobretodo den e sector turistico, sector horeca. Esaki, van Rij a indica, por hunga un rol tambe den e situacion aki. El a señala cu di un banda tin un necesidad grandi pa mas empleado y na mesun momento, nan ta mira cu tin un cantidad di hende cu ta traha aki informalmente.

“Tur hende sa cu pa sobrevivi na Aruba mester tin un trabou. Pues e mayoria di e hendenan cu ta aki ta trahando y ta importante pa formalisa nan pa asina por tin un aporte. Netamente riba asuntunan social, belasting y cosnan asina. Nos ta mira cu tin hotelnan nobo ta habri cu ta yama pa hende, haci uso di e personanan presente caba riba e isla,” el a splica.

Tocante kico e formadornan a expresa pa loke ta e sector laboral, el a menciona cu ainda e formadornan ta den combersacion cu e diferente sectornan y mirando tambe cu dentro di e sector priva tin necesidad pa trahadonan, cu tin posibilidad pa cooperacionnan.

Contestando pregunta si tin cifra di cuanto refugiado tin na Aruba, el a bisa cu e datonan actual cu e tin ta di e cantidad di Venezolano riba e isla, tanto Venezolanonan documenta, como indocumenta, refugiado, solicitantenan di asilo y migrantenan, ta basa riba informacion di e organisacion Response 4 Venezuela (R4V) cu ta indica cu tin 11.400 Venezolano na e isla.

Pa loke ta con e reunion a bay y e reaccion di e formadornan na informacion cu e UNHCR a trece dilanti, van Rij a indica cu e formadornan a haya cu e reunion tabata interesante y a demostra cu tin posibilidad pa sigui traha hunto y cu tin sosten den seno di sociedad pa sigui discuti e topiconan aki.

Por ultimo van Rij a menciona cu e ta contento di por a informa e formadornan di e trabounan cu UNHCR ta realisa. “Nos ta traha cu solici-



tantenan di asilo, refugiadonan y migrantenan, y tambe cu gobierno pa garantisa cu nos ta cumpli cu tratadonan internacional,” el a remarca. Den un rapport publica aña

pasa den luna di juli, Global Trends 2023 di UNHCR, Aruba ta na posicion number cu e cantidad mas grandi di refugiado per capita na mundo.

1 IN 5 ARE DISPLACED

Relative to their national populations,⁶ the island of Aruba (1 in 5) and Lebanon (1 in 6) hosted the largest number of refugees and other people in need of international protection, followed by Montenegro (1 in 9), Curaçao (1 in 13) and Jordan (1 in 16).⁷

Aruba
1 in 5

Lebanon
1 in 6

Montenegro
1 in 9

Curaçao
1 in 13

Jordan
1 in 16

Magaly Brito, Presidente di SEPPA:

“Nos ta spera cu e gobierno aki tin compromiso real cu su pueblo”

Manera ta conoci for di algun tempo caba formadornan di gobierno, Gerlien Croes, lider di partido Futuro y Mike Eman, lider di partido AVP, ta den proceso di reuni cu diferente instancia y stakeholder den comunidad. Recientemente Sindicato di Empleadonan Publico y Privado di Aruba (SEPPA) a reuni cu e formadornan pa brinda informacion y trece dilanti puntonan di importancia.



Bon Dia Aruba a tuma contacto cu presidente di SEPPA, Magaly Brito, ken a splica con a reunion a bay, kico ta e puntonan di prioridad cu SEPPA a trece dilanti, si di parti di sindicato a sinti cu tin oido di parti di e formadornan y kico ta e expectativa pa loke ta cooperacion cu e gobierno nobo.

Brito a splica cu e reunion a bay bon. El a indica cu SEPPA por a duna informacion di nan posicion riba diferente punto di preocupacion riba cual nan ta kere ta amerita atencion, solucion y te hasta inversion.

El a remarca cu e reunion a tuma lugar dia 20 februari, cual ta e dia proclama como e Dia pa Husticia Social. En conexcion cu esaki SEPPA a enfatisa riba e necesidad pa Husticia Social, ilustrando tambe e tema di embehechimento cu tin na e pais y e re-

tonan cu esaki ta trece cune.

El a agrega cu esaki ta nifica tambe cu e cifranan di e situacion di e fondo di pensioen AOV, pensioen di biehes, y te con hopi esaki ta wanta tambe merece atencion.

Brito a sigui splica cu igualmente nan a mostra riba e situacion financiero di e pensionadonan unda un gran parti di e pensionadonan ta biba cu un pensioen bou di mil florin. Esaki, el señala, ta indica tur e nivel di pobreza cu e pensionadonan ta biba aden.

Den e mesun contexto aki, el a agrega, e hecho aki ta indica tambe cu e pensionadonan ta cobra un pensioen abou ta pa motibo di, entre otro, no a biba hopi aña na Aruba, pues por trata di un hende di afo cu a bin traha na Aruba tambe.

El a remarca cu netamente

aworaki cu ta papiando tocante e necesidad di trahado pa drenta e mercado laboral, mester pensa bon kico Aruba ta ofreciendo na e hendenan aki cu ta bin Aruba. El a indica cu si un persona bin Aruba cu edad halto, ora di ricibi pensioen e ta ricibi hopi poco placa. El agrega tambe cu ademas Aruba no ta atractivo ya cu e ta un isla hopi caro, di costo di bida halto.

“Aruba ta leu di ta competitivo cu otro paisnan y ya tin preferencia pa bay paisnan, por ehempel, España. Nos a pidi gobierno pa bin cu maneho riba esaki pero delinean un vision bon cla,” Brito a bisa.

El a trece dilanti cu turismo ta ser merca dea di mas y cu tur cos ta pa turismo, pero di otro e localnan ta frustra y malcontento. “Nos ta mira e reaccionnan caba pa motibo di no por bay un beach,” el a



mentona.

Brito a sigui splica cu SEPPA a mostra tambe riba e situacion di sector publico, e reto nan cu empleadonan publico ta enfrenta. Adicionalmente, el a indica, e sindicato a enfatisa tambe riba e necesidad pa servicionan publico di calidad, cu ta accesibel pa comunidad.

Otro puntonan cu SEPPA a pidi mas atencion p’e y mayor inversion ta empresanan estatal, por ehempel, Arubus y Post Aruba. E tema di output subsidie cu a afecta e fundacionnan y su trahadornan tambe a ser plantia. Y e sindicato a pidi atencion y solucion pa e problematica di werksternan di SKOA.

El a menciona cu SEPPA tambe a elabora un poco riba e preocupacion di flexibilisacion di e leynan laboral, y a mostra riba e necesidad pa tin dialogo social na unda stakeholdernan ta ser scucha y teni na cuenta.

“Formadornan a scucha e posicion di SEPPA y a duna di conoce cu lo yama SEPPA back pa reuni riba e temanan plantia. Mescos cu nos a spera di tur gobierno anterior, nos ta spera cu e gobierno aki tin compromiso real cu su pueblo, ta compromete pa lucha contra tur desigualdad, ta bin cu un vision cla y dirigi na crea alivio y prosperidad pa nos pueblo,” Brito a finalisa.

Minister Maduro:

Situacion anterior di deficit y salida di pandemia a pone cu no tabatin placa pa mantene 31 edificio di gobierno cu awor ta para

Durante tratamento di Ley di Destaho Publico recientemente, parlamentario y lider di fraccion PPA, Otmar Oduber, a indica na minister di Finanzas demisionario Xiomara Maduro, tocante e cantidad di edificionan di gobierno cu tin para y cu tin condicionnan pa gobierno yega na un benta di e edificionan aki.



Manera ta conoci tin un cantidad relevantemente halto di edificionan di gobierno cu no ta den uso actualmente, 31 pa ta exacto, y ta edificionan cu ta den estado deplorable y hopi di nan a ser habita pa chollernan tambe.

Minister Maduro a indica cu en berdad e tin un cantidad di edificio di gobierno cu ta pasa y a splica cu esaki ta debi, entre otro, na e situacion financiero di gobierno, e situacion caminda cu gobierno tabata den deficit y tabata saliendo for di pandemia, locual a haci

cu no tabatin placa pa mantene e edificionan aki.

Ademas, e mandatario a indica, tin edificionan cu ta para cu tin problema cu asbestos y prome cu por haci cualkier inversion den e edificionan aki mester haci esakinan

limpi na un manera adecua.

Na mesun momento minister a remarca e necesidad pa trata y aproba presupuesto 2025 pa por aloca fondonan pa e edificionan aki.

Recientemente e Organo Social Economico a ilustra problema di hopi edificio y cas bashi y a trece dilanti e necesidad pa bin cu redestinacion pa resolve e decadencia di espacio na Aruba.

Den esaki SER a duna un serie di recomendacion na Gobierno con pa atende cu e problema aki, cu mester mitiga e cantidad di edificio/cas bashi y cu ta cuadra cu metanan di desaroyo sosteni-

bel. E Consejo ta indica na Gobierno cu por cuminsa cu su propio edificionan, door di revisa e proceso completo di benta di edificio publico.

Edificionan cu lamentablemente a bay practicamente perdi pa motibo di ta para ta entre otro ex edificionan di Reina Beatrix School y Juliana. Reina Beatrix school a muda di localidad na varios ocasion, mientras cu Juliana School pronto lo tin un edificio nobo.

Ainda ta keda e pregunta kico ta bay pasa cu e ex edificionan di e scolnan aki cu lastimamente ya a bay perdi y ta sigui cay den otro sin cu tin ningun plan di accion den bista.

ATIA ta un partner importante pa Gobierno

Exito di proyecto di e-Government ta depende riba sector priva

Diaranson mainta 26 di Februari, Prome Minister Evelyn Wever-Croes a reuni cu representantenan di Aruba Trade & Industry Association (ATIA).

Prome Minister ta reuni riba un base regular cu ATIA unda ta trata diferente punto di relevancia pa Gobierno pero principalmente pa ATIA como e gremio di doñonan di trabou.

RAft ingetrokken y otro rikswet pa baha e interes di e prestamo di Covid. Durante e reunion a toca e tema financiero di pais Aruba y riba e RAft cu ya ta for di mesa y riba e negociacionnan andando di e otro rikswet cu ta trata pa baha e interes di e prestamo di Covid. “Manera ya ta conoci e negociacionnan riba esaki ta andando y ta riba bon caminda y na fin di e



gubernacion aki e gobierno nobo lo keda cu dos opcion “riba menu”; Un ta: CU un rikswet cu interes abou. E otro ta: SIN rikswet y un interes halto. Riba esaki ta e gobierno nobo lo bay dicidi”, Prome Minister a accentua

Fondonan di UE tey pa e-Government. Otro tema cu a elabora riba dje ta e e-Government. Esaki ta un tema cu cada bes ta bin

dilanti durante e reunionnan c ATIA. Sector priva tin un rol importante den e-Government cual ta e digitalisacion di servicionan di Gobierno. Plannan di esaki ta ambicioso y e fondonan di Union Europeo t’ey pa e ehecucion pero e exito di e proyecto aki tambe ta depende di e sector priva unda ATIA ta un partner importante.

DIMAS, DPL y DIP. Otro tema cu regularmente ta

bin dilanti durante e reunionnan cu ATIA ta e situacion cu tin pa personanan haya permiso di trabou a traves di Dimas y DPL. Tambe a elabora riba e tema di DIP cu a trata tereno comercial. Prome Minister ta indica cu tur e organisacionnan aki tin hopi reto di fluho di trabou y tin atraso den procesonan y esaki ta afecta sector priva y p’esey ta importante pa sigui dialoga riba nan.

ROPV
ROPV ta e ley cu ta regla e ordenansa teritorial di pais Aruba. Esaki ta stipula e parti di Aruba cu ta protegi y asina con ta desaroya e resto di terenonan na Aruba principalmente pa vivienda mirando cu esey ta algo di gran necesidad. Riba esaki Prome Minister a haci un apelacion na ATIA mirando cu nan tin miembronan cu hopi expe-

riencia no solamente den e parti di tereno pero tambe di vivienda. Asina nan lo por yuda Gobierno traha riba solucionnan pa e tema importante di vivienda.


“Mi ta gradici ATIA pa e reunion awe pero tambe pa e mas di 7 aña cu nan tawata un stakeholder importante pa Gobierno di Aruba den toma di decisionnan. Aruba ta den pleno desaroyo, y económicamente y financieramente ta bon para. Pa motibo aki ta importante pa fiha e rumbo di e futuro hunto cu nos partnernan. E relacion cu ATIA semper tawata hopi bon. Nan tin un rol importante representando nan miembronan, mescos cu Gobierno tambe su rol ta importante y semper nos a logra na yega na otro y mi ta gradici ATIA pa esaki”, Prome Minister a expresa.

CBA: Crecemento economico ta sigui den e prome tres kwartaal di 2024

Banco Central di Aruba (CBA) ta publica awe e “State of the Economy” pa e prome nuebe luna di 2024. E publicacion aki ta contene un analisis di desaroyonan nacional y internacional. E puntonan di mas clave ta presenta akibou.

E economia Arubano e crece cu 7,8% durante e prome nuebe luna di 2024 compara cu e mesun periodo di 2023. Crecemento persistente den actividadnan den turismo a impulsa e crecimiento aki, cu e cantidad di bishitante “stay-overs” subi cu 16,4% y bishitante crucero cu 13,2%. Aunke turistanan tabatin un estadia promedio mas cortico na Aruba, ingreso di turismo a aumenta na Afl. 3,1 biyon. E cantidad aki ta inclui solamente e transaccionnan registra na banconan comercial.

Turismo mas fuerte tambe a duna un impulso grandi na consumo. Por ehempel, mercancia importa (excluyendo mashin y ekipo electrotécnico) a crece cu 9,2%. Prestamo personal, consumo di electricidad na cas (den kWh), y pagonan registra riba e sistema di I-Pago tambe a aumenta. Adicionalmente, e prestacion fuerte di turismo tambe a beneficia ingresonan for di impuesto. Na mesun momento e mercado laboral a sigui mehora y



hunto cu mas actividad economico a impulsa casi tur componente di impuesto.

Aunke tin inversion andando den e sector hotelero pa acomoda mas turista, algun indicador di inversion a cay durante e prome tres kwartaal di 2024. Cantidad di material di construccion importa, e balor di hipoteca comercial nobo, y permiso pa construccion a baha. Di otro banda, e balor di hipoteca nobo pa

cas a expande y e indice di e “Business Perception Survey” (BPS) a mehora.

Den e prome nuebe luna di 2024, mas placa a drenta Aruba su economia cu a sali. Exportacion relata na turismo a trece ingresonan significante, mientras pagonan pa importacion tabata mas abou den comparacion. Adicionalmente, mas placa a drenta e pais via inversion y otro transaccion financiero

compara cu loke a sali. Esaki a resulta na un surplus riba e balansa di pago, asina hisando e reservanan oficial na Afl. 3,4 biyon y reservanan internacional na Afl. 3,8 biyon na fin di september 2024. Di e manera aki, divisanan ta keda ampliamente adecua, local ta sostene CBA su mandato principal di mantene e tasa fiho di e florin cu e dollar Mericano.

Durante e ultimo 12 luna, prijsnan, riba un averahe, tabata mas halto cu e 12 lu-

nanan prome. Den e periodo september 2023 – september 2024, prijsnan a aumenta cu un averahe di 2,0%. E tres contribuyente principal na e inflacion aki tabata comunicacion, vivienda, y cuminda. Ademas, comparando september 2024 cu september 2023, prijsnan a subi cu 1,5%. Ta sumamente importante pa monitor inflacion pasobra e ta impacta consumo, inversion, empleo y finalmente nos divisa. CBA lo sigui vigila e desaroyo den inflacion di cerca.






Table 1: Tourism indicators for Aruba YTD September			
	2022	2023	2024
Stay-over visitors	816,362	930,157	1,082,471
Average length of stay (in days)	7.2	8.0	7.6
Total visitor nights	5,850,732	7,454,903	8,257,671
Cruise visitors	358,679	575,597	651,342
Hotel occupancy (%)	73.7	77.8	82.8
Average daily rate (US\$)	304.2	343.3	364.6
Revenue per available room (RevPAR) (US\$)	224.3	267.2	301.7
Tourism revenue per night* (in Afl.)	417.6	379.7	380.3
Tourism revenue* (in Afl. million)	2,443.2	2,830.4	3,140.3



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Raisa Montilla

Oriana Geerman

Ehecutivo di Benta

Sulaika Croes

sulaika.croes@cspnv.com

Mark Gomes

mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirks

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Dos deadline importante... Pero tin mas pa haci...

Aunke nos a trata e temanan aki extensamente, ta inevitable keda sigui nan cu atencion. Nos tin dos 'deadline' importante proximamente, e fecha ultimo cu Aruba mester tin un presupuesto aproba (31 di maart), y e fecha pa presenta un ley di supervision financiero di Reino, 1 di mei proximo. Nos a comenta ampliamente caba tocante loke ta rondona e asuntonan aki y no ta bay ripiti tur esey, salvo algun detaye importante seguidamente. Sin embargo, mester considera cu e asuntonan aki no ta e unico cosnan di importancia na e momento aki, cu awor no ta haya atencion debido.

E fecha maximo pa presupuesto ta un condicion cu gobierno di Reino a impone siman pasa den su reunion mensual, unda a revoca e proyecto di ley di supervision anterior, y ta en espera di e version nobo, pa cual tin negociacion andando cu Aruba. E no ta un instruccion formal, ya cu esey lo ta un decreto real, y no ta trata di esey. E motibo pa gobierno di Reino aproba e recomendacion di organo consehero CAft pa adverti gobierno di Aruba encuan to e urgencia pa por tin presupuesto aproba no ta solamente e consideracion di e consecuencia cu esaki por tin pa Aruba. Por ehemplo, busca refinanciamiento na tempo, pa no causa problema di default riba debe cu ta madura. Esaki ta toca tambe gobierno di Reino/Hulandes anto, pasobra nan no ta desea di mester coregi un fayó grandi den atende asunto financiero cu a bay robez, pasobra esaki ta toca nan interes como gobierno di Hulanda y di Reino. Mester considera cu Reino tin un di e reputacionnan financiero mas solido na mundo, y ta importante pa nan mantene esaki. Aunke esaki no a bira asina conoci pero un di e motibonan pa e intervencion na 2014 den presupuesto di Aruba tabata e preocupacion cu gobierno di Aruba tabata bayendo den direccion di un abismo financiero, cu varios año tras di otro di deficit di centenares di miyones, cu tabata financia externamente. Esey ta parti grandi di e debe acumula 'pre-Covid'.

Den un reunion cu gremio y sindicatonan un representante Hulandes e tempo ey a pone e asunto bon cla: "Gobierno di Hulanda no lo permiti ningun isla dañá nan reputacion internacional cu mal maneho financiero." Un año despues ainda e asunto no tabata bon y a tuma lugar e intervencion cu a bira parti di nos historia, y cu no a termina ainda, adem as. Ta di spera cu sano huicio di tur esnan involvi prevalece y cu por percura cumpli cu ambos deadline.

Pero manera bisa anteriormente, nos tin

otro asunto urgente pa atende, cu adem as tampoco ta ni nobo, ni sorpresa. Por ehemplo, ta importante cu ta bin pronto claridad den e asunto di e poblacion indocumenta na nos isla. Mas tempo pasa, mas dificil ta bira pa maneha e asunto. E hecho cu e mandatario encarga cu e cartera aki a bay for di orbita pa problema cu husticia, no ta implica cu e problema no ta existi mas. Ta inimaginable cu den e negociacion pa yega na un coalicion no a toca e tema ainda, y en todo caso ora tin gobierno nobo, lo mester duna claridad kico ta bay haci. Tin dos opcion posible aki. Uno ta pa no haci nada; djis declara cu ta bay nombra un comision pa studia e caso, cu e idea cu nan lo bolbe cu nan recomendacion na 2026... Esey lo implica cu tur cos ta keda core manera e ta awor, nan aparentemente a haya un manera pa traha y biba aki, sin cu esaki a conduci na turbulencia grandi den comunidad. Nos por laga e asunto asina anto? Nan no ta contribui cu impuesto riba salario, tampoco prima social, pero en todo caso unda cu nan bira, mescos cu nos, nan ta paga BBO. Nos por laga e asunto asina, el a funciona pa basta año caba, bo por bisa, no? E problema ta bira ora bo ta haya mas migrante ainda, tanto legal como ilegal, pasobra nos tin mester di hopi mas trahador, y con bo ta bay maneha esey anto? Tuma na cuenta tambe cu un stranhero mas tanto no ta solicita for di su pais, e ta bin aki como turista y den cierto caso ilegal via costa y ta pasa porta busca empleo. Nos ta mantene e modelo di reclutamento aki?

E otro alternativa ta un forma di legaliza presencia na nos pais di henter e grupo aki. Yama esey 'aministia' o dun'e cualkier otro nomber. E tin su bentahanan: nan ta paga prima di AOV y AZV, loonbelasting lo ta insignificante cu e ultimo cambio den esey, pero nan gasto medico no lo core mas pa cuenta di gobierno. Gobierno? Gobierno ta responsable pa nan gastonan medico? Si, e responsabilidad pa un persona cu ta ilegalmente den bo pais y mester tratamiento medico, ta di gobierno di e pais, pasobra ta 'abo' (gobierno), segun tratado internacional, a permiti cu nan ta den bo teritorio y esey ta trece cune cierto obligacion. Con esaki ta regla cu AZV nos no sa.

Awor, nos tambe sa cu e proximo gobierno tampoco ta bay atende e asunto aki, pasobra nan tin miedo cu yega na un areglo formal lo marca Aruba como lugar 'benevolente' cu asilo, y cu e situacion na Venezuela cu por continua pa hopi año mas, ta mihor nos no papia mes di e asunto? Nan yiunan, si nan tin, por bay scol y si nan kier studia, nan por hacie aki mes, toch? Un capitulo menos den plan di gobierno...


Cuerpo Policial ta manda gradicimento na tur persona cu a yuda den caso di piscador cu a fayece

Cuerpo Policial conhuntamente cu Kustwacht, mediante un comunicado di prensa, ta duna un update riba e caso lamentabel di diamars, na unda un piscador a perde su bida riba lama.

Cuerpo Policial y Kustwacht kier a gradici e botonan cu a yega pa duna asistencia. Ta trata di e botonan cu e number di DRIFTWOOD Y KE-PASA, di cual miembronan di nan tripulacion a bula na awa poniendo nan propio bida na riesgo, pa asina por a saca curpa di e victima for di awa.

Nan a logra pone e curpa cu no tabata duna señal di bida riba e boto cu e number di TERESA, cual ta e boto riba cua e fayecido M. tabata pisando.

Na yegada di Kustwacht a opta pa escolta e botonan pa e base di Kustwacht na Mariniers Kazerne Savaneta, caminda den bon cooperacion cu tripulantenan di e botonan DRIFTWOOD Y KE-PASA a tuma e caso over pa asina



Kustwacht y KPA por a sigui atende e caso.

“Un danki un biaha mas na cada un di e miembronan di e botonan cu a pone nan bida den riesgo,” Cuerpo Policial a bisa den e comunicado.

Ta trata aki di e caso cu a su-

cede diamars mainta na Barcadera.

A drenta informe di cu un persona a muri hoga na “Bara” 6 miya pazuid di Aruba, mesora a dirigi tanto polis como wardacosta na e sitio. Na yegada di autoridadnan, a bin compronde cu un per-

sona conoci como piscador di hopi aña ora di baha anker na “Bara.” E cabuya di anker a lora na su pia y esaki a bay fondo cune.

Mesora e persona cu tabata cune a bula su tras, pero ora a trece ariba nan a haci

maximo esfuerzo, pero no a logra salb’e. Via V.H.F. Marine a bati alarma y a trece e curpa na waf di Barcadera, pero a desvia esaki pa Savaneta Kamp. Eynan dokter a constata e morto di Inocencio Filomeno Matos, naci na Aruba 22 di juni 1943.

Mini Mega y Mega Plus a yega un jackpot historico di Afl. 4.350.000,-

Diamars anochi e resultado di Mini Mega a ser conoci unda cu e numbernan cu a sali tabata 05-10-17-18 y Mega Ball 06. A pesar cu no tabata tin ganado pa e prome premio, si a conoce 2 feliz ganado cu a casi comparti e jackpot miyonario di Afl. 3.750.000,- si tabata tin e Mega Ball bon y cada un a comparti e segundo premio y a gana e suma di Afl. 28.371! Ticketnan ganado pa e segundo premio a wordo bendi na Sunshine Lottery y na JFK Lottery & Sports.

Mini Mega cu Mega Plus ta un jackpot progresivo y door cu no a conoce ganado di e prome premio, esey ta nifica cu e jackpot ta sigui crece y pa diabierna 28 di februari e jackpot di Mini Mega y Mega Plus a bira un suma historico di 4 miyon 350 mil florin!

Na aña 2017 Lotto a kibra tur record y e jackpot a yega e suma total di 3.7 miyon pa Mini Mega y Mega Plus. E jackpot aki a conoce 2 feliz ganado di cual un ganado a gana e Mini Mega cu e suma



di 1 miyon 250 mil florin cu a wordo bendi na Monserat Lottery y e otro feliz ganado a gana e Mini Mega y Mega Plus cu a bira e suma total di 2 miyon 450 mil florin y e ticket ganado a wordo bendi

na Hey You Lottery. Pa prome biaha den historia Aruba ta conoce un jackpot cu ta surpasa 4 miyon florin! Cumpra bo ticket trempan pa bo tambe den wega pa gana e gran suma total di 4 miyon

350 mil florin! Pa sigura bo Mega Ball, bo por cumpra bo numbernan di suerte of un loco y pidi pa e combo di All Mega Ball cu lo costa 75 florin y cu Mega Plus, e ticket lo costa 105 florin. Scoje bo

numbernan di 01 te cu 30 y pidi bo rebendedo preferi pa bo combo di All Mega Ball pa asina bo tin tur e Mega Ballnan den wega!

Benta ta cera 7:30 PM asina ta, pasa na bo rebendedo preferi trempan pa asina no mester para den rij! Sorteo di Mini Mega cu Mega Plus lo hunga pa 7:45 PM diabierna awo riba Canal 13, riba nos Facebook page of nos canal di YouTube.


Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Corsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Hulanda: A reporta varios caso di sarampi na un basisschool na Helmond

(NLTimes)—GGD Brabant-Zuidoost a ricibi varios reportahe di muchanan cu sarampi na un scol primario na Helmond. E servicio di salud a urgi cualkier persona cu sintoma pa keda cas, specialmente durante e cel-

ebracionnan di carnaval unda un virus por plama rapidamente entre hende cu ta asisti.

Sarampi ta un malesa extremadamente contagioso. E virus cu ta causa esaki ta plama via tosamento, nister



y papiamento. Sintomanan ta cuminsa cu un keintura, tosamento y wowonan cora. Tres pa siete dia despues, un rash ta desaroya, tipicamente cuminsando tras di horea y despues plama pa henter e curpa. Por tuma 7 pa 18 dia

despues di e prome contacto cu e virus pa cuminsa sinti e sintomanan.

Na Hulanda, muchanan ta haya vacuna contra sarampi cu e vacuna MMR den e Programa Nacional di Vacunacion. “Hende vacuna y hen-

de cu ya a haya sarampi den pasado ta bon protegi contra e malesa aki,” GGD a bisa. Pero asina mes ta posible pa bo contrata e malesa.

Sarampi sa bay di su mes pero tin biaha e por haci hende gravemente malo. Baby, hende muher no vacuna y hende cu inmunidad abao ta den extra riesgo di bira gravemente malo di sarampi.

Siman pasa, e instituto di salud publico RIVM a reporta 34 caso confirma di sarampi den e prome siman di 2025, hopi mas compara cu e mesun periodo aña pasa. E partinan occidental di Noord-Brabant y e region di Amsterdam tabatin mayoria caso, cual tabata relativo na tamaño di poblacion. Na maart 2024, tabatin un brote oficial di sarampi den scolnan na Eindhoven.

Casonan di Gele Koorts den pais hopi bishita pa localnan tin DVG preocupa



Algun pais den e region di Zuid-America manera entre otro Colombia, Peru, Brazil, Bolivia y Guyana ta reportando desde aña 2024 y comienzo di 2025 casonan di Gele Koorts tambe conoci como Yellow Fever cu un 50% cu consecuencia fatal.

A pesar cu na Aruba nos no tin e malesa di Gele Koorts presente na e momento aki, nos no por descarta cu si un persona regresa Aruba for di su biahe procedente di un di e paisnan aki cu Gele Koorts nos por wordo confronta cu casonan y hasta un brote si como comunidad nos no tuma accion pa yuda evita esaki.

Gele Koorts por wordo transmiti pa e sangura Aedes Aegypti (sangura cu pia strepi blanco) cu ta presente riba nos isla. Actualmente e sanguranan riba nos isla no ta carga e virus di Gele Koorts pero si e sangura pica un persona cu tin Gele Koorts e sangura lo wordo infecta y lo por sigui transmiti di e forma aki e virus pa otro persona. Pa proteha Aruba su poblacion di Gele Koorts algun aña atras DVG a introduci e

maneho cu tur biahero procedente di paisnan cu tin Gele Koorts mester ta vacuna contra Gele Koorts pa por drenta Aruba. Pero e maneho aki no ta proteha nos poblacion di nos propio localnan cu ta biaha pa e paisnan aki sin vacuna conta Gele Koorts pensando cu nan lo no por contrae e virus y regresa cu ne Aruba.

Pa medio di e informacion duna, DVG ta haci un suplica na tur local cu ta bi ahando pa paisnan unda tin casonan di Gele Koorts, esta Colombia, Peru, Brazil, Bolivia y Guyana, pa corda vacuna por lo menos 10 dia prome cu e biahe. E vacuna di Gele Koorts ta un vacuna cu ta brinda proteccion pa bida largo cu 1 solo dosis y ta obtenibel na seccion di Male-sanan Infecioso di DVG pa Afl 31,-. Pa un cita por yama 5224221/5224239/5224241

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgesondheid_aruba, subi nos website www.dvg.aw, yama nos na 5224200 of mail nos na servicio@dvg.aw

28 FEB

MINI

MEGA

MEGA PLUS

Cumpra bo Mini Mega y cu Afl. 2,- mas, bo por gana e jackpot di

AFL RECORD JACKPOT

4.350.000,-

Con?

Afl 5

+

Extra!

Afl. 2.850.000,-

Afl. 1.500.000,-

www.lottoaruba.com

Pa mas informacion yama 525-7555 of bishita nos website lottoaruba.com

Corsou: Lo implementaCodigo di Procedura Criminal nobo den 2027

(CuraçaoChronicle) - Parlamento di Corsou a aproba e Codigo di Procedura Criminal nobo cu 13 voto na fabor y ningun den contra. Esaki ta marca un reforma significativo di e cuadro legal gobernando investigacionnan criminal y persecucionnan.

Minister di Husticia Shalten Hato ta anticipa cu e ley lo keda implementa den januari di 2027.

E legislacion aki ta pendiente desde augustus di 2019 y a enfrenta varios atraso. Den mei di 2023, Minister Hato a urgi Parlamento apresura su aprobacion, specialmente pa motibo cu Aruba ya caba a

implementa un codigo criminal nobo.

E Codigo di Procedura Criminal ta un set di ley y reglanan cu ta dicta con ta investiga, procesa y trata ofensanan criminal. E ta delinea e derechonnan y responsabilidatnan di tur partido involucra den e proceso criminal, incluyendo polis, fiscal, hues, acusado y victimanan.

Corsou su Codigo di Procedura Criminal actual ta anticua y no ta alinea adecuadamente cu e desaroyonan tecnologico y legal moderno.

Pa garantisar un transicion sin dificultad, e gobierno lo lansa un campaña di conscientisa-

cion comprensivo na institucionnan clave, manera Ministerio Publico (OM), fuerza policial na Corsou. Corte di Husticia, y e asociacion di abogadonan. E iniciativa aki tin meta di educa profesionalnan legal y autoridadnan di ley tocante e regulacionnan nobo.

Minister Hato a garantisar cu e ley nobo no lo tin impacto negativo riba e acusadonan, pro ehempel, e detencion prome cu huicio lo keda grandemente sin cambio. E metodonan di investigacion special manera infiltracion, lo ta permiti bao condicionnan sumamente estricto. Tambe lo introduci proteccion mas fuerte pa victimanan manera



e derecho di ricibi compensacion y acceso na interrogacionnan graba.

E Codigo di Procedura Criminal ta anticipa di modernisa

Corsou su sistema legal, garantizando cu lo implementa ley y procesonan hudicial cu ta alinea cu standardnan contemporaneo.

SER ta studia revision di impuesto riba propiedad inmobiliario

Diabierna 21 di februari ultimo, representantenan di fraccion di MAN den Parlamento, a duna un splicacion detaya na Consejo Social-Economico (SER) riba e iniciativa di ley pa trece hustonan den e Ordenansa Landsverordening onroerendezaakbelasting 2024.

Fraccion di MAN ta iniciado di e proyecto di ley aki. E cambionan propone ta busca pa modifica e carga fiscal aki di un manera mas ekilibra, dunando alivio na doñonan di vivienda chikito y gruponan vulnerabel den nos comunidad, mientras cu propietarionan di casnan grandi, cu tin mas capacidad economico, lo contribui mas na caha di gobierno.

Segun autornan di e proyecto



di iniciativa di ley, e estructura actual di impuesto ta anticua den cierto aspecto y no ta refleha e realidad economico actual di Corsou. Cu e proyecto di iniciativa di ley nobo aki, balor y uzo di propiedadnan inmueble lo tin mas peso den calculacion di e impuesto "OZB", cu e resultado cu hendenan cu tin bebiendo modesto y/o gru-

ponan vulnerabel ta haya mas proteccion, mientras cu hendenan cu propiedadnan gran-

di lo contribui di un manera mas proporcional.

E proyecto di iniciativa di ley tambe ta inclui medidanan pa stimula crecimiento economico sin perde for di bista e aspecto di integracion social. E proposicion ta ofrece beneficiacion fiscal dirigi riba sectornan manera vivienda social y empresanan chikito, cu e speransa pa logra un ekilibrio entre desaroyo economico y husticia fiscal.

E iniciadornan di e proyecto di iniciativa di ley ta kere cu e

reforma aki lo no solamente crea un fuente di ingreso stabiel pa gobierno, sino tambe habri espacio pa inversionnan den proyectonan cu ta di un magnitud social.

Cu e splicacion aki, SER tin suficiente input relevante pa evalua e proposicion den su capacidad como organo di consejo independiente riba materia socioeconomico, ofreciendo recomendacionnan basa riba analisisnan extenso balansa y responsabel.

Pueblo Hulandes ta preocupa cu desaroyonan na Merca, Rusia y Ucrania

(NLTimes) - **Residentenan di Hulanda ta hopi preocupa tocante e desaroyo di e guerra Rusia-Ucrania y Merca su actitud pa cu esaki.**

Mayoria Hulandes ta kere cu Europa no por conta riba Merca mas pa sosten militar. Mita di e Hulandesnan ta sostene crea un ehercito Europeo, sinembargo e disposicion pa bira militar no a crece cu e sentimento aki, Ipsos I&O a mira den un estudio cu a conta cu participacion di 1,944 Hulandes.

Hulandesnan ya caba tabata preocupa pa e termino nobo di Donald Trump como presidente di Merca na october aña pasa. Alrededor di 1 luna despues cu el a sinta, nan preocupacionnan a comproba cu nan tabatin base. Den simannan recien, Trump y su vice president J.D Vance a yama

e president di Ucrania un dictator, a bisa cu Ucrania a cuminsa e guerra cu Rusia, a critic fuertemente e democracianan Europeo y a boga pa cooperacion cu e partido ultra derechista AfD. Merca tambe a cuminsa dialogo di pas cu Rusia sin involucra Europa of Ucrania. Ademá Trump a menasa den varios ocasion di sali for di NATO si otro miembronan no inverti mas den defensa.

Den bista di esaki, 69% di e residentenan di Hulanda ta considera cu Union Europeo ta depende hopi riba Merca pa lora ta trata defensa y solamente 29% ta anticipa cu Merca lo sigui proteha su partnernan Europeo den NATO.

E guerra na Ucrania ta cada biaha den posicion mas halto riba e lista di preocupacion di e residentenan di Hulan-

da. 19% di pueblo Hulandes awo ta pone e guerra como un di e 3 temanan politico mas importante actualmente, compara cu solamente 6% un aña atras. 41% di nan ta sumamente preocupa tocante e guerra na Ucrania, cual ta e cantidad mas halto desde cu e guerra a cuminsa den 2022.

Hopi ta preocupa cu Rusia su expansion den direccion pa Europa, specialmente cu Trump na cabes di Merca. Hopi ta di e opinion cu Merca ta birando aliado di Rusia. "E idiota Trump ta cayendo den man di Rusia, y pa e motibo aki ta cambiando e balans di politica den mundo," un sentimiento resumi a expresa. Residentenan di Hulanda ta kere cu Europa ta su so contra Rusia, y no ta suficientemente fuerte pa por contra esaki.



STATEN VAN ARUBA

OPENBARE VERGADERING OP 6 MAART 2025 OM
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Ontwerp-landsverordening tot vaststelling van de begroting van de Raad van Advies voor het dienstjaar 2025.

De Griffier,

mr.drs. Herman Ch. J. Hek

CBS ta pronostica inflacion anual di 3.5% pa Boneiro den e prome kwartaal di 2025

(Bonaire.nu) – Bureau Central di Estadistica (CBS) ta spera un inflacion anual di riba 3,5% pa e prome kwartaal di 2025.

CBS ta basa su pronostico ariba un calculacion rapido di desaroyo di prijsnan ariba e isla. Pa e prome kwartaal di

2025, e mutacion kwartaal ta +1,8% y e mutacion anualmente ta +3,5%.

E calculacion rapido ta calcula e desaroyo di prijsnan basa ariba datonan cu ta disponibel y ta solamente menciona e mutacion (provisional) di e Index di e Prijs di e Consumidor (CPI), sin duna un cifra

di index. E calculacionnan aki ta solamente traha pa Boneiro pa Sint Eustatius y Saba, no tin suficiente fuente di dato.

E CPI ta refleha e desaroyo di prijsnan di producto y serviccionan ariba e islanan BES y ta un indicador importante di inflacion. E medida ta tuma



lugar via observacion di prijsnan mensualmente den

tienda, via encuesta y investigacion ariba internet.

DUO ta bishita Caribe

Studentenan Caribense lo ta miho prepara pa bay Hulanda

(Curacao.nu) – DUO lo bishita islanan di Caribe entre 10 di maart te 11 di april 2025 pa prepara e studentenan mihor pa nan futuro estudio na Hulanda. Durante e bishita, lo organisa diferente reunion di informacion y oficinanan di servicio lo ta

habri temporalmente.

Desde 1 di april 2024, studentenan por ricibi nan number di servicio ciudadano ('burgerservicenummer' BSN) automaticamente cu nan aplicacion pa financiamiento di estudio. Esaki lo permiti nan cu pa, prome cu

nan bay Hulanda caba, por prepara un DigiD, mira nan financiamiento di estudio online y lo por hasta habri un cuenta di banco. Segun Monique Hoogerwerf, coordinador di e area Caribense na DUO, esaki lo duna un mihor comienso pa studentenan di Caribe.

Oficina Permanente na Corsou

E aña aki, DUO lo habri un oficina permanente na Corsou pa un periodo di prueba di un aña. E oficina lo duna sosten na studentenan y ex-studiante y tambe lo duna informacion na diferente scol ariba e isla.



Hulanda: Macaconan cu a huy a bolbe nan cas na Apenheul

(Nu.nl) – E tres macaco cu a scapa for di Apenheul na Apeldoorn anochi, a bolbe na nan cas. Dos di nan a ser droga, y e otro a bula for di un palo y a ser gara.



Apenheul a skirbi riba Facebook cu e animalnan tabata tres macaco chikito. Nan a subi riba un palo pafor di e

parke na e banda di J.C. Wilsaan na Apeldoorn.

Apenheul a indica cu e macaconan "no ta peligroso pa hende". Pero pa evita cu e macaconan drenta den panico, e area a ser cera.

Un empleado a tira pila cu droga pa verdoof e macaconan y a logra raca dos. E animalnan a cay abou y a ser

treci back na nan cas.

E tercer macaco no kier a ser gara. Bombero kier a gara e animal segun Omroep Gelderland cu un bom di awa. Pero en bes di esey, e macaco mes a bula for di e palo. E ora e por a ser gara na un manera sigur.

"E macaconan ta den bon

salud na cas," e parke di animal a laga sa.

E macaconan di Berber tin un cara pelon y por yega te 20 aña di bida. Nan ta come tur cos: di berduranan, te hasta insectonan y paharito. E macaconan tin saco den nan couchi pa warda cuminda.

Ehercito Caribense a gana premio na Texas

(Curacao.nu) – Un unidad militar for di e area Caribense a gana un premio honorifico durante e Texas Trail Roundup na San Antonio. E militarnan, cu ta forma parti di e Milicia Caribense (CARMIL), a completa den tres dia tres distancia desafiante di 10, 42 y 21 kilometer. Nan prestacion a logra gana e premio Golden Booth, un

trofeo pa e unidad militar cu a presta mihor.

Durante e evento di tres dia, cu ta similar na esun di cuater dia na Nijmegen, a pone enfasis ariba trabou di grupo, forza fisico y persistencia. E militarnan Caribense a demostra nan mes den tur esaki y a laga un impresion fuerte ariba e organisacionnan y participantenan. Cu e premio

Golden Booth, e nomber di CARMIL lo ta oficialmente conecta na e reconocimiento aki pa e proximo diesdos aña.

E Texas Trail Roundup ta un marcha internacional caminda ekiponan militar y civil ta tuma parti. E participacion di CARMIL ta resalta e colaboracion y intercambio militar entre diferente paisnan y regionnan. E militarnan lo



bolbe na e area Caribense cu e trofeo y cu nan reputacion

mas fortaleci.

Hulanda: Solicitante di asilo por keda deteni na centro di detencion na Schiphol

(Nu.nl) – Solicitantenan di asilo por keda deteni na centro di detencion na Schiphol, segun un sentencia di e Raad van State. Anterior, e tribunal di Amsterdam a conclui cu e compleho ta parce mescos cu un prison. E Immigratie- en Naturalisatiedienst a apela contra esaki.

E nomber oficial di e centro di detencion ta Justitieel Complex Schiphol (JCS).

Aki hende cu a pidi asilo na Schiphol y hende cu ta cumpliendo cu sentencia di prison por keda. E dos gruponan aki ta separa, pero ta keda abou di un dak.

E separacion di e dos gruponan ta e motibo cu e Afdeling bestuursrechtspraak di e Raad van State pa afirma cu solicitantenan di asilo por keda deteni na JCS.

E tribunal di Amsterdam a

dicta na januari cu solicitantenan di asilo na JCS ta en contra cu limitacionnan cu ta parecido na e tratamiento den un prison.

Por ehempel, solicitantenan di asilo ta keda den nan cel entre 22:00 y 08:00. Tambe no semper tin e posibilidad pa respira aire fresco. Ademá, solicitantenan di asilo por solamente sali cu asistencia di e departamento cu ta cuida nan. E tribunal a relata

cu tambe tin camara di seguridad tur caminda, y nan acceso na internet ta limita.

Mester sigui reglanan Europeo

E Raad van State no ta nenga esaki, pero ta indica cu solicitantenan di asilo por sali mas frecuentemente pa respira aire fresco cu e prisoneronan. Ademá, solicitantenan di asilo ta keda menos tempo deteni na JCS.

Pa Hulanda, como un miem-

bro di Union Europeo, mester sigui e reglanan di detencion ora di detene solicitantenan di asilo. Esaki kiermen cu e detencion di solicitantenan di asilo no por ta den un ambiente cu ta simula un prison.

Segun e Raad van State, e JCS por keda cualifica como un "acomodacion di detencion specialisa" cu ta alinea cu e reglanan di detencion.

Merca ta busca cooperacion di Latino America pa deportacion di migrantenan

(AP) — Migrantenan Venezolano ta ser entrega na Mexico manera ta un centro di detencion di inmigracion di Merca. Famianan for di Asia Central ta ser hiba na Panama y Costa Rica pa warda nan repatriacion boluntario na nan pais. Venezolanonan for di Guantanamo Bay a ser entrega ariba un pista di avion na Honduras y manda back pa Caracas.

Tur e accionnan ta manda un mensahe cla: purba di yega na frontera di Merca no vale la pena mas. E administracion di presidente di Merca, Donald Trump, a traha e fundeshi pa reverti e fluho migratorio den e region. Aunke e cifranan ta keda modesto, ta bira mas cla con Merca ta spera di limita espacio den centronan di detencion, mientras ta deporta mas hende cu nunca.

Haciendo acuerdo den henter Latino America

Den su prome luna, e administracion di Trump a logra acuerdo cu Mexico, Guatemala, El Salvador, Honduras, Costa Rica y Panama pa sirbi manera lugarnan di paso of destinacion pa migrantenan expulsa di Merca. E tambe a logra un acuerdo cu Venezuela pa busca su hendenan di Texas, Guantanamo Bay, Cuba y Honduras.

Pero no a publica detaye di ningun di e acuerdonan, lantando preocupacion tocante evasion di proteccion internacional pa refugiado y solicitante di asilo. Adam Isacson, un investigador di e organisacion di derecho humano WOLA na Washington, ta sospecha cu hopi di e acuerdonan no ta mas cu un “acuerdo di duna man” improvisa.

Tabatin peticionnan cu a ser haci mientras Trump tabata menasa cu tarifa y di tuma back e Canal di Panama. Secretario di Estado di Merca, Marco Rubio, a bishita e region mientras e tabata keda suspende yudansa economico, dunando excepcionnan ora tabata necesario.

Den su prome periodo di gobierno, Trump a logra acuerdo cu Mexico, Guatemala, Honduras y El Salvador pa ricibi solicitantenan di asilo, pero solamente Mexico y Guatemala a haci e trabou



real y tuma nan.

Pero e acuerdonan den su di dos periodo ta mas diverso, incluyendo Honduras cu ta laga Venezolanonan sali for di un avion di Merca y subi un otro avion Venezolano den su territorio siman pasa, y El Salvador cu ta dispuesto pa detene deportadonan—incluyendo hende cu paspoort di Merca. “Nan ta mas ambicioso awor,” segun Isacson. “E idea di manda hendenan pa ta sera den lugarnan manera producto, of deporta nan pa paisnan di tercer grado, no tabata un problema den e prome periodo di Trump.” E cifranan ta keda relativamente abou, pero imagennan di deportadonan saliendo di avion den cadena y pidiendo yudansa na hotelnan den Panama ta hopi potente.

‘Shock’ pa intimida migrantenan

Aunke e fase actual ta preliminar, pasobra congreso no a aproba un presupuesto nobo ainda, Isacson ta bisa cu e administracion ta usando “shock y intimidacion” pa manda un mensahe cla.

Awor, e fluho migratorio cu ta mas visibel ta di hendenan deporta y migrantenan cu ta subi boto na Panama pa hiba nan back Colombia, en bes di subi trein na México of crusa frontera di Merca

Den solamente un luna, Mexico a ricibi mas di 3.300 deportadonan di otro pais cu por lo menos 7 nacionalidad,

segun defensoran di derechonan di migrante.

Hopi di nan tabatin documentonan di U.S. Immigration and Customs Enforcement (ICE) cu tabata bisa: “Motibo di transferencia: deportacion. Number di facilidad nobo (inmigracion): MEXICO.”

E presidente di Mexico, Claudia Sheinbaum, no a bisa hopi tocante e situacion, solamente cu su gobernacion ta dispuesto pa coopera. Departamento di Estado di Merca a gradici Mexico pa ricibi vuelonan di deportacion y pa manda migrantenan back na nan pais di origen.

Panama: un brug den direccion contrario

Panama, unda mas di 500.000 migrante a pasa durante 2023 na su ruta pa frontera di Merca, ta bira un brug den direccion contrario. E luna aki, casi 300 deportadonan di Merca for di 10 paisnan mayormente Asiatico a ser wanta den un hotel na Panama. Un grupo di nan a skirbi ariba bentana di e hotel: “Help” y “Nos no ta ‘safe’ na nos pais”

Un tercer di e deportadonan den e hotel cu a rechasa pa bolbe back na nan paisnan, a ser manda na un campamento remoto den e mesun selva cu nan probablemente a pasa ariba e otro direccion. Un deportado na e campamento a bisa na Associated Press cu nan no tabata informa di

nan derechonan ni di cuanto tempo nan ta spera di keda den e condicionnan malo na e campo.

Situacionnan similar a sosode na Costa Rica, cu tambe a ricibi vuelonan di deportacion.

Apart di e vuelonan di deportacion, 50 pa 75 migrante ta move di Costa Rica tur dia ariba nan mes, segun Omer Badilla, vice-minister di asuntonan interno di Costa Rica.

El a laga habri e posibilidad cu Panama y Colombia por ser involucra pa organisa botonan pa hiba migrantenan back.

Panama y Costa Rica ta bisa cu e agencianan di Nacionnan Uni ta yuda cu e repatriacionnan y cu gobierno di Merca ta pagando. Organizacion Internacional di Migracion a bisa cu nan ta yuda autoridadnan cu provision di servicio basico y ta facilita repatriacion boluntario “ora ta sigur pa haci esaki.”

“Cu e fluho bieu, e situacion ta bastante bou di control,” presidente di Panama, José Raúl Mulino, a bisa diabierna. “Esey ta muestra cu awor e problema ta bin den e direccion opuesto y nos ta spera cu por maneha esaki den un manera ordena.”

Preocupacion pa migrant-

enan vulnerabel

Aunke organisacion di Nacionnan Uni ta envolvi, tin hopi preocupacion pa migrantenan vulnerabel cu ta ser pasa di un pais pa otro of deporta back na paisnan di unda nan a huy.

Defensoran ta preocupa cu Merca por ta usando paisnan di tercer grado pa deporta migrantenan for di paisnan di cual Merca no tin relacion diplomatico, pa evita limitacionnan den ley internacional cu ta pa preveni cu hende ser manda back na lugarnan caminda nan no ta sigur.

Gretchen Kuhner, director di IMUMI, un organisacion di servicio legal na Mexico, a bisa cu recientemente un avion cargando Venezolano deporta di Merca a para na Cancun. Pero IMUMI no a logra papia cu e migrantenan directamente pa wak si nan lo kier pidi asilo na Mexico mientras nan ta den nan territorio.

Isacson a agrega cu entre e Venezolanonan deporta tabatin hendenan cu a deserta di e forsa arma, cu awor ta den man di e militar. E riesgo ta mas grandi pa migrantenan for di Iran y Afghanistan.

Gobiernonan di e region ta sensitivo pa parce cu nan ta yudando cu e esfuersonan di deportacion di Trump, pero segun Isacson, transparencia lo por proteha nan mihor contra e criticanan.

Regimen ta afirma cu fondonan di USAID pa “subversion” na Cuba lo sigui tanten cu Marco Rubio maneha nan

(CiberCuba) - E subdirector general di e Direccion di Merca di e Ministerio Cubano di Relacionnan Exterior (MINREX), Johana Tablada de la Torre, a bisa cu e fondonan di e Agencia di Merca pa Desaroyo Internacional (USAID) destina pa loke el a yama “subversion” riba e isla lo keda mantene tanten cu e secretario di estado Rubio keda den su puesto.



Tablada a bisa cu ta “altamente improbable” cu e fondonan usa pa financia proyectonan na Cuba, pa “interferencia” y “cambio di regimen”, y cu e congelacion recien di e fondonan aki cu a laga medionan di comunicacion independiente y activistanan di sociedad civil Cubano den suspenso, lo desaparece.

Di acuerdo cu e funcionario,

e Ley di Helms-Burton ta establece cu e gobierno di Merca mester aloca por lo menos 20 milyon dollar tur año na programanan cu, den su palabranan, ta menasa “e orden constitucional di Cuba.”

Tablada a enfatisa cu USAID historicamente a financia programanan pa “documenta mentiranan” tocante e situa-

cion na Cuba y cu bou di e maneho di Marco Rubio di e fondonan di USAID, esaki lo sigui.

“Tanten cu Marco Rubio ta encarga cu e fondonan di USAID, lo tin placa pa e contrarevolucion, lo tin placa pa documenta e mentiranan cu Merca ta purba usa pa hustifica loke ta inhustificabel”, e

funcionario a sigura e website oficial Cubadebate.

Tambe el a bisa cu e fondonan aki ta sirbi pa financia campananan contra cooperacion medico Cubano, ya cu “nan sa cu no solamente Cuba ta salba bida rond mundo, pero recursonan legitimo tambe ta drenta den e sistema di salud publico Cubano.” Pa Tablada, e accionnan aki ta busca pa perhudica “un di e poco fuentenan di entrada cu ta resta” pa e economia Cubano.

E discurso di gobierno di Cuba ta denuncia constantemente e fondonan cu USAID ta aloca pa proyectonan di democratisacion riba e isla, pero ta keda keto riba programanan di cooperacion internacional cu ta financia iniciativanan oficial cu fondonan similar.

Cuba a ricibi milyonnan na cooperacion di gobiernonan aliado manera Rusia, China y Venezuela, fondonan cu a sirbi pa mantene e infraestructura di e regimen. Ademas, programanan di cooperacion di organisacionnan manera ONU y WHO a financia proyectonan promove pa Estado Cubano, y USAID mes a duna yudansa na gobierno den situacionnan di emergencia.

Contradictorio, mientras cu La Habana ta keha tocante financiamiento di gruponan di oposicion, e ta beneficia di programanan cu ta dun’e recursonan internacional sin duda. E narrativa di “ataque externo” ta ignora e hecho cu hopi di e proyectonan estatal riba e isla ta depende di recursonan di organisacionnan internacional of paisnan aliado.

Jamaica: DPP ta bisa cu discurso di fraude di SSL por perhudica Ministerio Publico

(JamaicaObserver) - Director di Ministerio Publico (DPP) Paula Lewellyn ta urgi miembronan di publico pa ta “judicial” cu nan discurso rond di e caso di fraude di 4.7 biyon dollar na Stocks and Securities Limited (SSL) cu a impacta mas cu 200 inversionista incluyendo e simbolo di pista Usain Bolt.



DPP, den un declaracion di aranson, a adverti cu publicidad prome cu e huicio por compromete e fiscal den e asunto cu ta involvi e ex-empleado di SSL Jean Ann Panton, kende actualmente ta dilanti di e Corte di Circuito di Cas y ta enfrenta varios acusacion penal relaciona cu e incidente.

Panton ta enfrenta un condena di 22 acusacion relaciona cu acusacionnan di falsificacion di cuenta, falsificacion di documento, ladronia y ofensanan bou di e Ley di Ciber crimen y e Ley di Producto di Crimen.

“Den lus di e hecho cu e caso contra Sra. Panton no a keda completa ainda y ta bou di consideracion activo di corte, ami y mi fiscalnan halto asigna den e caso ta pidi humildemente pa miembronan

di publico ta judicial cu nan discurso publico den e asunto aki; di otro manera, e por compromete e persecucion di e asunto y tambe investigacionnan continuo den otro aspecto di e asunto di SSL,” Lewellyn a bisa.

El a adverti cu e corte lo no duda pa duna cierto orden, sea na orden di e fiscal of defensa of nan mocion, pa salvaguardia e integridad y husticia di e proceso, mirando e publicidad di prehuicio excesivo percibi.

E asunto a ser treci back den spotlight na februari ora Bolt a expresa su disgusto cu e duracion di tempo cu e tabata

tuma pa e recupera su fondonan perdi. Desde su comentarionan, el a ser critica, incluyendo pa por lo menos un miembro prominente di e Partido Laborista di Jamaica (JLP) den gobernacion cu a sugeri cu e mester carga cierto responsabilidad pa su inversion perdi. Esey a causa un contesta di su abogado, kende a alega berguensa di victima, y e oposicion parlamentario, cu a priminti di mete.

E asunto a bira cayente ora cu miembro halto di JLP, Abka Fitz-Henley a afirma cu e administracion anterior di PNP no a actua riba advertencionan di e Comision di Servicio Financiero (FSC) tocante

SSL na 2013.

Vocero di oposicion tocante finanzas, Julian Robinson a contesta un dia despues, bisando: “PNP a actua decisivo na 2013 pa proteha inversionistanan, mientras cu e administracion di JLP a scoge pa confia e garantianan falso di SSL na 2017, habriendo caminda pa e fraude catastrofico aki. E administracion di Holness (prome minister Andrew Holness) mester contesta dicon el a kita restricciones riba SSL sin verificacion apropiada, lagando Jamaquinonan vulnerabel.”

Despues, DDP Lewellyn a adverti cu publicidad prome

cu huicio y tambe discurso publico excesivo por posiblemente mina e husticia di e caso y a haci esaki den caso-nan anterior.

“E caso aki ta uno hopi compleho cu material voluminoso, y ainda tin investigacionnan andando den otro aspecto di e asunto cu ta involvi SSL, cu ta mesun compleho. E autoridadnan di fiscal, incluyendo e investigadornan, lo ta agradecido si e publico considera e caso di Rex v Jean Ann Panton como sub judice, locual ta nifica cu e ta bou di consideracion judicial actualmente,” el a bisa.

Lewellyn a bisa cu e Oficina di e Director di Ministerio Publico ta reconoce y respeta e derecho constitucional di cada ciudadano na Jamaica pa expresa nan mes libremente riba cualkier tema di nan escogencia, sea priva of den dominio publico, denter di e parametronan permiti pa ley, pero el a agrega: “Mi ta obliga di emiti un recordatorio suave na e publico cu den corte, husticia pa e acusado, ken ta inocente te ora e ser proba culpabel pa medio di prueba duna den corte, ta un principio critico di ley y practica cu e cortenan ta vigila cu envidia.”

Clasiconan di Latino America ta yega plataformanan di streaming

(AFP) - 6 decada despues cu Latino America a lansa den escena literario internacional cu storianan magico, su obranan maestros ta hayando nan momento renoba cu plataformanan di streaming adaptando nan pa pantaya chikito.

Netflix a reconstrui e pueblo mitico di Macondo, creando e escena pa “Cien Años de Soledad,” for di abao te ariba pa e prome adaptacion di e difunto ganador di premio Nobel Colombiano Gabriel Garcia Marquez su storia epico di bida den Latino America.

Otro clasico di literatura Latino Americano, un cu Garcia Marquez a bisa cu e tabata sa di curason, “Pedro Páramo” di e novelista Mexicano Juan Rulfo, tambe lo bira un serie riba Netflix.

E herederonan politico di Marquez y Rulfo tambe ta inclui, cu e novela popular di Laura Esquivel “Como Agua para Chocolate”, tocante e podernan magico di cuminda, hayando un cas nobo na Max.

Otro adaptacionnan ta den proceso manera Mario Vargas su Llosa su “The Bad Girl” y “The House of Spirits” di escritor Chileno-Americano



Isabel Allende, cual lo lansa e aña aki riba Prime Video, cu Allende su mes y Eva Longoria di “Desperate Housewives” como productornan ehecutivo.

“E tabata un coincidencia cu nan tur a cay na mesun tempo,” Francisco Ramos, Netflix su vice presidente pa contenido di Latino America a conta AFP. Pa e productor Mexicano, e leitmotif ta cu “tur ta hopi bon storia” cu ta “conta nos cosnan hopi interesante tocante e cultura di e paisnan aki.”

Mientras cu mayoria di e serienan ta basa riba novelanan, dos caricatura Argentino tambe lo haya e tratamiento di streaming.

“Mafalda,” e caricatura di satira tocante un mucha di 6 aña cu ta curioso, a capta e curason di esnan cu ta papia e idioma den henter mundo

y lo converti den un serie di Netflix pa director ganador di Oscar Juan Jose Campanella.

“Esakinan ta obranan sumamente specifico cu tabatin un alcance internacional, pues tambe ta trata exporta e cultura di Argentina,” Ramos a bisa na Buenos Aires durante un conferencia di prensa di e prome episodio di “The Eternaut,” cual lo lansa dia 30 di april.

Experto di comunicacion Leonardo Argentino Leonardo Murolo a bisa cu e storianan ta bon scogi, como creanadornan di e cultura popular cu tambe tin tono politico unico. “Den un pais unda hende ta debati politica “tur ora y tin un bista critico di nan historia,” e caricaturanan aki ta ofrece un “contribucion unico” na e tsunami di streaming, el a conta AFP.

Latino America ta un di e



areanan di crecemento mas grandi pa servicio di streaming na mundo. E cantidad di suscriptor na e plataformanan aki ta pronostica di crece cu 50% pa 2029, yegando 165 miyon hogar, segun Digital TV Research. E aumento den demanda a causa cu e plataformanan a aumenta nan contenido regional.

Murolo a nota cu obranan manera “Cien Años de Soledad,” “Pedro Páramo,” y “The Eternaut” tabata “fundadornan di identidad Colombiano, Mexicano y Argentino.”

Pero ademas di atrae audiencianan local curioso pa mira “con e storianan conoci aki lo ser conta” tambe nan tin e habilidad di crusa fronteranan, el a nota. E prome temporada di “Cien Años de Soledad,” cual a lansa dia 11 di december, tabata e serie cu no ta den idioma Ingles mas mira riba Netflix durante su prome siman.

E crecemento di e industria di cinema di Latino America tambe a haci mas facil pa hiba e contenido riba pantaya. “E lo a ta algo sumamente dificil pa ehecuta produccionnan di e magnitud aki 20 of 15 aña atras,” Ramos a argumenta.

Pa “Cien Años de Soledad,” Netflix a construi 4 diferente set di Macondo na e pueblo Colombiano Ibagué.

Na Buenos Aires, a usa panel di LED pa crea un escena di realidad virtual durante grabacion di “The Eternaut.”

Mientras e audiencianan generalmente ta brasa produccionnan local, adapta clasiconan literario ta un area riesgoso. E adaptacion ta “enfrenta e riesgo di no cumpli e expectativa di e mundo imaginario cu e audiencia ta crea ora ta trata nan storia favorito,” Murolo a bisa, agregando cu “ta imposibel pa complace tur hende.”

Muhe ta declara su mes culpabel di crea plan pa bende Graceland

(AFP) - Un muhe di Missouri a declara su mes culpabel diamars na crea un “plan descabeya” pa horta Graceland, e cas historico di Elvis Presley, for di

e famia di e rey di Rock & Roll y bende esaki na findishi.

Lisa Jeanine Findley a falsamente declara cu Elvis su



unico yiu, Lisa Marie Presley, a pone e propiedad historico como un garantia pa un prestamo cu e no a paga prome cu su fayecimento. Findley, ken ta den su 50 aña di edad, a declara su mes

culpabel den corte federal di Tennessee na un cargo di fraude a cambio di retira e cargo separa di robo di identidat, segun documentonan di corte.

Nicole Argentieri, e ex hefe

di Justice Deptment su division criminal, a bisa cu Findley a crea varios documento falso cu firmanan falsifica como “parti di e plan descabeya.”

Findley a bisa cu Lisa Marie Presley, ken a fayece den januari di 2023. A fia 3.8 miyon dollar for di un compania yama Naussany Investments den 2018, poniendo Graceland como e garantia pa e prestamo y a keda sin paga e debe. Un benta di Graceland tabata den plan pa tuma luga den mei, sinembargo hues di Tennessee a blokia e findishi di e propiedad na ultimo minuut despues cu e nieta di Elvis, Riley Keough, a entrega un demanda acusando cu e documentonan di prestamo tabata falsifica.

Findley ta enfrenta un sentencia maximo di 20 aña den prizon sinembargo ta hopi probabel di ricibi un sentencia mas abao como resultado di su acuerdo.

ANUNCIO

En conexion cu parada di Carnaval na San Nicolas, SETAR ta informa cu Teleshop San Nicolas lo ta cera:

- **Diasabra 1 di maart 2025**

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of Whatsapp na 597-9999.

Island Asia Store

Av. Milio Croes #122 | T. 583-8888 | (front of Price Smart)

TIN SURTIDO SPECIAL PA CARNAVAL 71

Nos tin jug di diferente tamaño, blas, accesorio, bril solo, keds, sandalia, mea, sapato, sweater y t-shirt. Articulo pa bo fantasia di Carnaval y prijs pa tur carteral!

HORARIO: Dialuna - Diasabra 9AM - 7PM (NON STOP)
Diadomingo 10AM - 2PM

Un era nobo pa TOTAL Aruba



TOTAL cu orguyo ta participa cu riba diabierna 14 di februari, a tuma luga e ultimo acto den un proceso pa cambio di e structura di e organisacion. Esaki a culmina cu e transaccion na unda e acuerdo cu socionan nobo, tur companianan local den sector financiero, a wordo efectua na oficina di notario Helmeyster.

Durante e dia aki, e socionan nobo oficialmente a adkeri participacion importante den TOTAL.

Cu esaki TOTAL ta cumpli cu e requisito exigí pa oficialmente wordo inscribi den registro di Banco Central como un instituto financiero nobo na Aruba.

TOTAL ta un compania cu un

trayectoria largo dirigi particularmente na prestamonan personal. Cu e permiso adkeri, TOTAL lo bay lansa diferente producto y servicionan financiero adicional na Aruba. TOTAL kier a gradici tur esnan cu a contribui durante e ultimo añanan y a muestra confiansa den TOTAL pa realisa e vision di e cambio importante aki.



Aruba a resalta un biaha mas na Republica Dominicana den Teen Princess International

Durante e siman di 20 pa 25 di februari a tuma luga na Boca Chica Rep. Dominicana e concurso Teen Princess International na unda cu Aruba tambe tabata presente den representacion di Darienne Lampe.

Darienne a participa aña pasa den Miss Teen Aruba International pero a pesar di nos a clasifica den e finalistanan, e organisacion a mira den dje potencial internacional y a apunta Darienne pa e con-



curso Teen Princess organisa door di Sr. William Javier di Casa de Reinas Puerto Rico. Durante e dianan di concentracion Darienne a enfoca riba su concurso y durante e eventonan individual semper tabata destaca den e competencia di Trahe di Baño e la keda na di dos lugar. Den Trahe Nacional el a keda na di dos lugar, y den su Show di Talento a keda na 3er lugar.

Durante e show final Darienne a luci espectacular di comienso te final y a logra e titulonnan :

- Mejor Rostro
- Miss Elegancia
- Aruba Best Team
- 3era Finalista Teen Princess International

GLW foundation ta masha orguyoso di Darienne y kier a gradici tur persona cu di un of otro forma a yud'e realisa e biahe aki, Danki na tur esnan cu a coopera cu un sponsorship sea ta prenda of financiero, cu a yuda decora y cu tabata pendiente di Darienne na tur momento.



Coach di Liverpool ta suspendi debi na su comportamiento contra referee despues di derby

(Nu.nl) – Arne Slot ta suspendi pa dos wega den Premier League debi na su comportacion despues di e derby di ciudad contra Everton (2-2) dia 12 di februari. Ademá, e coach di Liverpool mester paga un multa. Su asistent, Sipke Hulshoff, ta haya e mesun castigo.

Debido na e suspension, Slot y Hulshoff tabata ausente pa e wega contra Newcastle United na Anfield diaranson anochi. E duo tampoco lo ta presente na e wega na cas contra Southampton (8 di

maart). Ta spera cu e coach asistent John Heitinga lo tuma e trabou over durante e dos weganan aki.

Liverpool a perde punto na Goodison Park despues di e empata 2-2 cu Everton na minuut 98. Slot y Hulshoff tabata rabia despues di e derby, a causa di e manera cu e referee a dirigi, y nan a haya un carhi cora for di e referee Michael Oliver. Slot a duna algun palabra cu e referee y a dun'e un man di saluda na un manera un tiki agresivo y sarcástico. Hulshoff tambe a expresa su malcontento cu e

arbitrahe.

Tanto Slot como Hulshoff segun e federacion futbolista di Inglatera (FA) “a comporta den un manera inapropia y/of a usa lenguahe ofensivo cu e referee”. Aparte di e suspension, Slot mester paga un multa di aproximadamente 84.000 euro. Hulshoff ta haya un multa di 8.400 euro. Liverpool a haya multa di 78.000 euro y 60.000 euro.

Slot a reconoce algun dia mas despues cu e ta haya cu e mester a reacciona na un manera diferente. “Loke ta



pasa na mi opinion, ta cu tabata falta cinco minuut mas y na final tabata ocho. Emocion a tuma control. Mi mester a actua na un manera diferente

y mi ta spera cu otro biaha lo mi haci'e diferente. Tin ora individuonan ta tuma decision malo. Y esaki ta siguramente loke mi a haci.”

Dos pitstop obligatorio durante e careda di F1 na Monaco pa aumenta suspenso

(Nu.nl) – E Grand Prix (GP) di Monaco, un di e caredanan mas emocionante di Formula 1, ta conta dos pitstop obligatorio pa e temporada nobo aki. E meta di e regla nobo aki ta pa aumenta e suspenso y emocion durante e careda riba cayanan di Monte Carlo.

E careda di Monaco normalmente ta un pronostico di e secuencia di F1, ya cu, por ehempel, na e edicion di aña pasa, e top dies di e cualificacion tambe tabata e top dies di e careda.

Pa purba stop esaki y duna mas emocion, e F1 Commission y e FIA (Federacion Internacional di Autosport) a confirma e regla nobo di-

aranson. “E obhetivo ta mehora e espectáculo di e deporte, tumando na cuenta cu ta dificil pa pasa otro den e circuito aki” na Monaco, FIA ta skirbi.

Aparte di esaki, durante e GP di Monaco, e pilotonan mester usa por lo menos tres set di taira, sin embargo durante un careda seco, dos tipo di taira mester ser usa. E careda di Monaco ta riba kalenter te minimo fin di 2031.

E temporada di F1 a cuminsa oficialmente diaranson cu su apertura durante e promer dia di prueba na Bahrain. E prome careda lo tuma lugar diadomingo 16 di maart na Melbourne, Australia, y e careda di Monaco ta programa pa 25 di mei.



MLS ta duna Messi boet a causa di pone man riba nek di coach asistent di New York City FC

(AP) — Major League Soccer a duna Lionel Messi un boet di un suma no especifica riba diamars, pa pone su man riba nek di un coach asistent di New York City FC. E incidente a sucede durante e empate 2-2 diasabra.

Messi tabata saliendo for di e cancha despues di e fluit final, despues di a ricibi un carhi geel pa un intercambio verbal cu referee Alexis Da Silva. E MVP actual di e liga a intercambia algun palabra cu coach asistent di New York,

Mehdi Ballouchy y a tapa su boca mientras dos asistent di Miami a interveni. Messi a cuminsa cana bay, despues a bira back riba Ballouchy. El a pone su man drechi parti patras di nek di Ballouchy, y a primi cu suficiente forza cu a parce cu a paralis'e.

E Liga tambe a multa delantero di Inter Miami, Luis Suarez un suma no revela, pa viola e politica di pone man riba cara/cabes/nek di un oponente den un incidente separa den e partido ey. El a gara defensa di New York, Birk Risa na parti patras di

su nek durante un disputa despues di e fluit di medio tempo.

Centrocampista di Chicago Fire, Brian Gutierrez a keda suspendi un partido y multa un suma no revela pa tira abao Yevhen Cheberko di Columbus cu un elleboog na su cabes den e perdida 4-2 di apertura diasabra. E ta bay ta ausente di e apertura na cas contra D.C. United dia 1 di maart.

E liga tambe a multa defensa di Portland Timbers, Kamal Miller, un suma no specifi-



ca pa no bandona e cancha na tempo contra e Vancouver Whitecaps diadomingo,

despues cu a sak'e cu un carhi cora den minuut 11.

IOC ta reconoce World Boxing como federacion pa Olimpiada provisionalmente

(AFP) - E Comité Olímpico Internacional a informa diaranson cu a provisionalmente reconoce e recientemente crea World Boxing como un cuerpo pa supervisa e deporte na weganan futuro.

IOC a corta laso cu International Boxing Association (IBA), e cuerpo di hopi tempo caba pa boxing na nivel amateur, a causa di preocupacionnan tocante gobernacion, finanzas y etica y a tuma over e organizacion di e deporte na e Olimpiada cu a tuma luga na Paris.

IBA su presidente, Umar Kremlev, ta conecta na e presidente di Rusia.

World Boxing a ser funda den 2023 y ta conta cu 78 miembro lidera pa Merca, Reino Uni, Francia, Alemania, Australia y Brasil.

President di IOC Thomas Bach a adverti cu federacionnan di boxeo nacional mester a haya un partner internacional nobo y “confiable” si e tabata kier garantiza cu e deporte lo ta riba programa na Los Angeles Olympics di 2028.

IOC den un declaracion reconociendo World Boxing como e deporte su federacion amateur a bisa cu e cuerpo a “demostra disposicion fuerte y esfuerso den mehora bon gobernacion y implemen-



tacion, pa cumpli cu e standardnan apropiá.”

World Boxing a yama e decision di IOC un “logro importante.” “Esaki ta un dia hopi significante pa tur

hende conecta cu e deporte den Olympic Movement,” e president Boris van der Vorst a bisa. “Mantene su luga den Olimpiada ta absolutamente critico pa e futuro di nos deporte na tur nivel.”

El a agrega cu IOC su aceptacion provisional “ta hiba nos un paso mas cerca di nos objetivo di mira boxeo restaura den e programa Olimpico.”

Kazakhstan su ex campeon mundial di e categoria middleweight Gennadiy Golovkin ta hefe di World Boxing su Comision Olimpico y den e rol aki ta trahando di cerca cu IOC.

“Ricibi un reconocimiento Olimpico provisionl for di IOC ta un logro importante y ta demostra cu nos deporte ta riba e caminda corecto,” Golovkin a bisa, ken ta medayista di oro di e Olimpiada na Atenas den 2004.

Ten Hag ta bisa cu futbolistanan moderno tin dificultad cu critica



(AFP) - Ex manager di Manchester United Erik ten Hag ta bisa cu futbolistanan moderno ta haya dificultad pa lidia cu critica y su generacion tabata “mas fuerte contra esaki.”

E ex manager di 55 aña, despedi den october despues di un comienso debil na e temporada, a choca contra varios hungado di perfil halto durante su tempo cu Old Trafford.

Cristiano Ronaldo a bisa cu e no ta respeta Ten Hag, cual a causa su salida di e club den november di 2022, algun luga despues di Ten Hag su mando.

E siguiente aña Jadon San-

cho, ken awo ta bao prestamo na Chelsea, a bisa cu e ta un “cobertura” ora e tabata responde riba rednan social despues cu Ten Hag a baha e hungado di Inglaterra a causa di su resultado den training. Ten Hag a disciplina Marcus Rashford ora cu e hungado, actualmente bao prestamo na Aston Villa, a perde training despues cu a mir’e na sitionan nocturno na Irlanda.

E ex hefe di United a bisa SEG Stories, un outlet di media na su agencia di maneho: “E generacion aki usualmente ta haya dificultad pa lidia cu critica. Critica realmente ta afecta nan. E generacion den cual mi a crece tabata mas fuerte contra esaki. Bo por a ta hopi mas directo cu e generacion ey. Tabata acerca mi

persona hopi mas directamente. Si mi haci esey cu mi grupo actual di hungado, mi lo caba cu nan motivacion.”

Ten Hag, ken a ser reemplasa na Old Trafford pa Ruben Amorim, a supervisa e desarojo di e hungadonan hoben manera Alejandro Garnacho y Kobbie Mainoo. El a bisa cu e hungadonan hoben ta “rekeri diferente palabranan y un strategia diferente.”

“Alex Ferguson (ex hefe di United) tambe tabata pertenece na e generacion anterior. Cu e generacion ey, bo por a ta hopi mas directo den bo comunicacion y strategia,” el a bisa. “Cu e generacion aki, bo tin cu duna bo mensahe den un manera cu mas tacto pa bo por haya e mesun efecto. Bo mester muestra e hungado mas amor. Nos generacion tabata haya esey hopi mas facil pa haci cu e generacion aki.”

Ten Hag, ken anteriormente a mancha Ajax, a gana League

Cup y FA Cup durante su tempo na Old Trafford pero nan a keda den di 8 luga den Premier League su ultimo temporada – nan posicion mas abao den decada.

Apesar di su dificultadnan, el a bisa cu el a disfruta su tempo cu e club y a sinti aprecia pa e fanaticonan.

United ta experienciando momentonan dificil bao Amorim y ta actualmente den posicion number 15 den Premier League prome cu diaranon su wega na cas contra Ipswich.

E club e siman aki a anuncia cu nan ta anticipa cu lo crea te hasta 200 recorte di trabao fresco como parti di un “plan di transformacion” cu tin e meta di mehora e club su sostenibilidad financiero, cu speransa di mehora resultado den pitch.



Accidente na Ser'i Teishi entre 3 auto a laga hende herida



Dialuna mainta a drenta informe di un accidente cu hende herida na Ser'i Teishi, mesora a dirigi tanto polis como ambu-

lans na e sitio.

Na yegada di e patruya a bin compronde cu un taxista bayendo pabao a bay dal tras di

un Haval cual a bay dal tras di un Kia Rio desvia esaki pa despues e mesun taxi bay dal den dje. Debi na e impacto e chauffeurnan a resulta herida

y na yegada di e ambulans nan a atende e victimanan na e sitio mes.

Un rato despues un di e

chauffeurnan a sinti malo y e ambulans mester a bolbe bay na e sitio pa atende atrobe na e sitio mes.

Ambulans a bay Tres Trapi pa un mucha cu a bira malo



Dialuna merdia a drenta informe di cu algo a pasa un mucha na Arashi y e tata ta hibando e na Tres Trapi na Malmok, mesora

a dirigi un ambulans cu urgencia na e sitio.

Na e sitio ambulans a tuma e mucha for di e tata y a atende.

Ora e personal di ambulans tabata atendiendo e a bin descubri cu lo ta miho pa hib'e hospital y nan a transporte cu urgencia pa hospital.

Chauffeur no a regula su velocidad ni mantene distancia y a dal tras di un auto



Dialuna atardi a drenta informe di un accidente na Cumana, mesora a dirigi un patruya na e sitio.

Na yegada di e patruya a bin

compronde cu aki ta trata di e chauffeur di un Honda cu no a regula su velocidad ni a mantene distancia a bay dal tras di un Mercedes Benz. Afortunadamente ningun hende a resulta herida.

Polis a atende un accidente hit & run na Semeleerstraat



Dialuna merdia a drenta informe di un accidente na Semeleerstraat, mesora a dirigi un patruya na e sitio.

Na yegada di e patruya a bin compronde cu aki ta trata di

un accidente hit & run unda un auto shinishi a bini cu velocidad dal e auto di direccion contrario y sigui core bay. Segun e vecindario ta un auto cu ta pertenece eybanda mes den e bario.



Accidente dilanti Plaza Libertador G.F."Betico" Croes

Diamars mainta a drenta informe di un accidente dilanti di Plaza Libertador G. F. "Betico" Croes, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un auto a bay dal un otro auto den banda. Afortunadamente ningun hende a resulta herida.



Chauffeur no a regula su velocidad ni a mantene distancia y a dal tras di e auto su dilanti

Dialuna atardi a drenta informe di un accidente cu hende herida dilanti Mundo Nobo na Santa Cruz, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di e chauffeur di un Kia Sonet no a regula su velocidad ni a mantene distancia a bay dal tras di Suzuki Spresso. Debi



na e impacto e chauffeur di e Suzuki a sinti dolor y a pidi un ambulans na e sitio.

Na yegada di e ambulans nan a atende e victima na e sitio mes.



Truck a pasa ranca wayanan di CableTV

Diamars mainta tempran a drenta informe di cu un truck a pasa ranca waya di CableTV na Bubali, mesora a dirigi un patruya na e sitio.

Na yegada di e patruya a bin nota claramente cu e waya aki ta asina abao cu cualkier truck por pasa ranca esaki ademas a haya e truck cayan ainda pa atende cu e suseso aki.

Na hopi otro caminda por nota cu e wayanan di cable aki ta colga mas abao cu normal. Ta necesario pa revisa y hisa nan mas halto.



Turista riba step electrico a bula pa auto no dal e y a cay malo riba su pia

Diamars madruga a drenta informe di un accidente cu hende herida dilanti di Holiday Inn, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un turista cu tabata coriendo riba un electric step na e crusada dilanti e hotel a wak auto ta bini riba dje y a bula for di e step y a cay malo riba su pia y tabata tin dolor.

Na yegada di e ambulans nan a atende y a transporte



pa hospital. Despues e step a keda lastra y a bay dal riba e auto.



Accidente cu detencion na rotonde di Ponton



Diamars merdia a drenta informe di un accidente na rotonde Ponton riba E.J. "Watty" Vos Blvd., me-

sora a dirigi un patruya na e sitio.

Na yegada di e patruya a bin

compronde cu aki ta trata di un accidente unda e chauffeur di un Toyota a bay dal patras den skina di un Mit-

subishi. E motibo no ta conoci pero polis a detene e chauffeur di e auto y a rista den su auto.

Afortunadamente ningun hende a resulta herida.

Accidente den cadena cu 3 auto causa pa un chauffeur cu no a regula velocidad ni mantene distancia


Diamars a drenta informe di un accidente na Savaneta, mesora a dirigi un patruya na e sitio.

Na yegada di e patruya a

bin compronde cu aki ta trata di un accidente entre 3 vehiculo unda cu e chauffeur di un pick-up no a regula su velocidad ni a mantene distancia a bay dal tras di un

auto y consecutivamente e auto aki a bay dal e otro auto su dilanti.

Afortunadamente ningun hende a resulta herida.



Auto a dal turista riba electric step na Palm Beach

Diamars merdia a drenta informe di un accidente cu hende herida dilanti e hotelnan na Palm Beach, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda un turista masculino riba un electric

step a yega crusa dilanti un auto y a dal e turista mand'e halto cay riba e hood cu windshield destruyendo esakinan.

Debi na e impacto e turista a resulta herida y na yegada di e ambulans nan a atende e victima y a transporte pa hospital.



Intento di asesinato den oranan laat di anochi na Citgo Sasaki



Diamars anochi a drenta informe di un caso di intento di asesinato na Citgo Sasaki, mesora a dirigi un patruya na e sitio.

Na yegada di e patruya a bin compronde cu aki ta trata di un intento di asesinato unda un homber a bin haci fastioso y a manda auto riba un persona, despues manda e auto

riba un otro auto y den e intento aki, pasa dal un otro auto. Despues di tur esaki e chauffeur a bandona e sitio.

Polis mesora a cuminsa cu

e investigacion aki unda a busca e video di camaranan di seguridad y lo haya sa ken den ki auto e tabata y kico el a haci.

Pronto lo detene e homber aki sospecha y busca pa e cargonan di intento di asesinato, manda auto riba un otro auto, dal otro auto y core bay for di e sitio.

Minister Geoffrey Wever

“She Means Business”:Un serie di tayer gratis organisa y presenta pa DAECI

Diaranson, 26 di februari 2025, Minister Geoffrey Wever conhunto cu Departamento di Asuntonan Economico, Comercio y Industria (DAECI) a anuncia e serie di tayer: “She Means Business: Women Empowerment Month”.



Durante e luna di maart lo tin diferente workshops, presentacionnan y networking sessions. Lo duna workshops di con pa desaroya e ‘business mindset’ corecto, con pa crea un plan strategico y sostenibel como tambe con pa haci miho uzo di entre otro Inteligencia Artificial (AI). Tur

esaki pa empodera y ekipa tur participante cu e tools corecto pa asina crea strategianan practico. E proyecto aki ta dedica pa empodera specialmente empresarionan femenino cu kier cuminsa un negoshi of cu tin un negoshi estableci caba pero cu kier sa mas di e ultimo tendencianan

tecnologico. Lo bay tin total di 10 workshop y e prome lo ta 10 di maart proximo. Aunke luna di maart ta luna di e ser femenino, e tayernan aki ta habri pa tur hende cu tin aspiracion pa habri un negoshi pero tambe pa esnan cu ya

caba ta manchando.

“Un di nos main focus como ministerio di asuntonan economico ta pa empodera nos ciudadano- y empresarionan cu e conocimiento y informacion necesario pa nan por progresa y experiencia exito den negoshi. Cu e workshop aki nos kier ekipa nos hendenan local cu tin ambicion pa siña mas di con ta mancha un negoshi, cu conocimiento di e ultimo tecnologianan pa

haci negoshi mas eficiente y sostenibel”, Minister Wever a bisa.

Pa participa na tur e workshops no tin ningun gasto involvi. Pues no perde e oportunidad aki y registra awe mes door di manda un mail pa Sra. Sharon Meijer na: s.meijer@deaci.aw Na final di e trayecto aki cada participante lo ricibi un certificado como muestra di participacion.

Departamento di Aduana cera riba 3 maart 2025 en conexion cu dialuna di Carnaval

Dialuna 3 di maart 2025 e oficinanan di Departamento di Aduana lo ta cera en conexion cu dia oficial di Fiesta/Conmemoracion, esta dialuna despues di Carnaval grandi. Tur servicio pa cliente y publico en general lo reanuda riba diamars 4 di maart desde 7.30 ‘or di mainta. Departamento di Aduana ta pidi pa tuma nota



di e informacion comparti, y alabes ta desea comunidad di Aruba feliz diano di Carnaval 71.


Riba tur prome diasabra di luna tin misa na San Nicolas den Blue Army y na Noord na Kapel Alto Vista























Diasabra 1 di maart 2025, pa 7’or di mainta tin Santa Misa na Kapel di Alto Vista y Den Kapel di Cas Curason di Maria na San Nicolaas (Blue Army).

Prome cu Santo Eucaristia ta resa Santo Rosario cuminsa pa 6.15 “MisterioGososo”, despues ta sigui cu Salve Regina. Ta invita henter e pueblo, deboto y fielnan pa asisti na e Santa Rosario prome cu misa. Tur fielnan ta bin resa e Santo Rosario pa bienestar di henter comunidad di Aruba pa nan defunto stima. Aki na Aruba ya nos ta sinti e cambio di clima. E cayente di e solo ta afecta nos tur dia. Den e tempo aki cu malesanan ta invadi humanidad. Laga cu nos ta mas conscientemente cu nos mester di oracion,

no haci Dios bira tristo pa via di pica (ya cu Dios ta sufri tanto caba pa pica di hende). Laga nos ta resa pa necesidad di Iglesia Universal, pa Papa Francisco, Administrador apostolico, Jason Gordon, tur sacerdote, diacono y laiconan cu ta hiba e bon noticia pa e pueblo di Dios. Pa nos gobernantenan y tur cu ta carga responsabilidad pa nos pais Aruba. Pa enfermonan den exterior cu a bay busca nan salud. Laga cu pronto nan regresa Aruba y gosa di un bon salud pa largo tempo.



Resultado Sorteo Februari 26			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0145	0399	9091	6265
4563	5766	SUPER5	6888
3181	1879	-	2070

MERDIA	ANOCHI		
 Sorteo # 4549 1832 9574 2458  X5  Sorteo # 4549 1233  X3  Sorteo # 2605 8655  Sorteo # 4549 4144 Acuario  Sorteo # 1423 412  FP	 Sorteo # 8484 2903 6503 4939  X2  Sorteo # 7528 3010  X3  Sorteo # 2233 8794  Sorteo # 6287 6084 Capricornio  Sorteo # 1217 327  X2	 Sorteo # 2571 0 x Jackpot 0 x Match 4+ 6 x Match 4 181 x Afl. 12,00	02-19-29-32-33 Joker 4 Letter B Proximo Jackpot 150.000,-
		 Sorteo # 6755 0 x Jackpot 7 x Match 4 164 x Afl 8,00	05-07-11-20-21 Proximo Jackpot 58.000,-
		 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball Proximo Jackpot 2.850.000,-
		  Sorteo # 	Afl. 4.350.000,- 



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Paradera: Centro Medico:
Tel. 588 6638 Tel. 584 5794
EMERGENCIA **911**

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Hues ta detene 14 miembro di secta a causa di fayecimento di un mucha

(AFP) - Un hues a detene 14 miembro di un grupo religioso di Australia a causa di e morto "lento y doloroso" di un mucha di 8 aña cu tabata diabetico, pa medio di nenga dun'e insulina.

Tata y mama di Elizabeth Rose Struhs, ademas di e lider y algun otro miembro di e secta Saints, a ser condena pa homicidio luna pasa den Queensland Supreme Court na Brisbane.

E misa chikito, cu base na un cas di e ciudad di Queensland, Toowoomba, tabatin un creencia "clave" den e poder sanador di Dios, lagando cero espacio pa tratamiento medico of tratamiento en general.

E mucha muhe a fayece a causa di ketoacidosis – un complicacion severo di diabetes – despues cu a para su medicamento di insulina pa varios dia. "Elizabeth a sufri un morto lento y doloroso, y boso tur, di un manera of otro, ta responsabel," Hues Martin Burns a bisa den su sentencia diaranson.

E mama Kerrie Struhs y tata Jason Struhs cada un a haya un sentencia di 14 aña den prizon. Ambos a ser declara culpabel di ignora nan responsabilidad di cuida nan yiu. "E morto di Elizabeth tabata, y ta keda, profundamente perturbador, pa motibo cu esaki tabata completamente y facilmente prevenibel," Burns a declara.

Lider di e secta Brendan Stevens a ricibi un sentencia di 13 aña. "Bo intentonan pa distancia bo mes for di e consecucionan di bo conducta ta deplorabel," Burns a comenta, agregando cu "bo ta un persona peligroso y sumamente manipulativo, y e autoridadnan lo beneficia di mantene esaki den mente ora bo sali di prizon."

Otro miembronan di e grupo a ricibi sentencia cu un rango di 6 pa 9 aña.

Tur a ricibi condena pa encu-



rasha e tata, pa e no duna e mucha insulina.

"Cada un di boso a participa den un tipo di lotto spiritual cu e bida di un mucha – un mucha cu supuestamente boso tabata stima," Burns a declara.

Jason Struhs a bisa polis cu su yiu tabata "core y hunga," na comienso – pero durante e siguiente dianan "poco poco el a keda bira mas y mas debil," documento di corte a detaya.

Jason Struhs y lider di e secta Stevens cada un no a ser declara culpabel asesinato pa motibo cu no por a comproba cu nan a ripara cu e mucha probablemente lo fayece, mirando e estado di nan mente na e momento ey.

Ningun di e acusadonan a acepta consejo legal y a drenta e declaracion di culpabilidad den e caso den nan contra.

E hues a declara nan culpabel den nan representacion.

Pronostico di tempo

Tempo:

Awe nochi: parcialmente nubia y generalmente seco
Den marduga y mañan: parcialmente nubia cu un posibel awasero breve

Temperatura maximo 31 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 32 pa 36 grado Celsius
Uv index: 10

Bahada di solo : 6:48pm
Subida di solo : 6:57am

Biento:

Moderate te basta fuerte for di direccion generalmente oost; forsa 4 te 5 (20 te 39km/ora, 11 te 21 nudo)
Durante di dia fuerte te posiblemente duro den rafaga; forsa 6 te 7 (40 te 61km/ora, 22 te 33 nudo)

Situacion general di tempo: Atmosfera regional ta relativamente seco den nivelnan mas abou y esaki lo stroba desaroyo di nubianan cu por produci awasero. Weer generalmente seco lo domina.



Di otro un banda por bisa cu e concentracion di stof di Sahara lo bay aumenta durante e proximo dianan. Personanan cu ta sensibil pa cambianan den calidad di aire mester tene esaki na cuenta.

Condicionnan maritimo/estado di lama:

Na partinan protege di costa: keto, rond di 1 pia.
Na partinan zuid: trankil 1 pa 2 pia, localmente e por yega 3 pia.
Na partinan oost te noordwest di costa: generalmente modera cu olanan alrededor di 4 pa 5, localmente e por yega 6 pia.

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

Aurora

Royal Pray

Funeral Home & Crematory

No keda asombrá pa loke Mi a caba di bisa;
pasobra lo yega e ora ku tur esnan cu ta
den graf, lo tende Su stem y lo sali afo,
esnan cu hasi loke ta bon pa resurekshon di
bida.

Huan 5: 28-29

Cu tristeza, pero agradecido pa loke e la significa
pa cada unu di nos, yunan y demas famia ta
anuncia fayecimento di:



Sra. Vda. Susan D. Willems-Dania

Mihor conosi como: Chichi of Chichi di Boeis
*25-03-1931 - †22-02-2025

Na number di su **yiunan** :

Glenda Willems y yiunan
Gisela Roga-Willems y Thomas (Jonki) Roga
Vivian Willems y yiunan
Elmer Willems y yiunan
Suzy Willems
Blanca Giraldo-Willems y Mario Giraldo Botero
y yiu

Manera yiu:

Anette y Roy Wongsosemito y yiunan
Alfredo, Fabiola y yiu
Dolores (Loly) Berkley y yiunan

Su mihor amiganan:

Sra. Mirna Illes
Sra. Andrea Dirksz
Sra. Rachell Dovale
Sra. Ligia Maria

Nieto(a)nan, bisanieto(a)nan, Sobrino(a), comer
y compernan, ihanan, bisinanan, tur rumannan di
Testigo di Jehovah.

Demas famia: Dania, Willems, Roga, Giraldo
Botero, Morales, Roest, Oviedo-Garcia,
Werleman, Lacle, Viasis, Montesant, Leito,
Pietersz, Senior, Dovale, Martina, Foe, Obiana,
Sambo, Illes, Dirksz, Suarez, Ras, Desbarida,
Comenencia, Muzo, Danje, Chong, Dañe,
Hidalgo, Erasmus

Oportunidad pa condolencia: lo ta diabierna
28 di februari di 7 pa 9 anochi na Aurora Funeral
Home

Ta invita pa **acto di entierro** cual lo tuma lugar
na Salon di Reino na Macuarima 10-L diasabra 1
di maart di 9 pa 11 di mainta y despues lo sali pa
Santana Central Sabana Basora.

Disculpa nos, pero despues di entierro nos no ta
ricibi bishita di condolencia na cas; y disculpa nos
si den nos tristeza, nos por a lubida un of otro
famia.

Aurora

Royal Pray

Funeral Home & Crematory

Señor ta bon y husto
E la mira cu mi tabata cansa y e la tuma mi den su
brasa pa mi por sosega

Cu tristeza pero conforme cu Boluntad di Dios, nos
ta anuncia fayecimento di



Jan Willem Flanegin

*02-11-1952 - †17 -02-2025
Mihor conoci como “Wim”

Na number di su Mayornan
†Ana “Canichi” Angela-Flanegin
†Angelico “Jeje” Flanegin

Su yiu: Aldwin Flanegin y Julia Argueta na New York

Rumannan

†Vito y †Nanachi Thiel
Henrique “Chino” y Leichin Thiel
†Fernando “Elio” Flanegin
Mathilda y Hendrik Lacle
Angel “Chonai” y Ines Flanegin
†Jesus “Nel” Flanegin
Jan Hendrik “Jenny” Flanegin y famia

Nieto y Nieta

Zaylee y Zylen Flanegin na New York

Subrino y Subrinanan

Victor Thiel y famia
Eric Thiel y famia
Robert Thiel y famia
Ilienne Thiel
Annaly Thiel y yiunan
Enry Thiel y famia
Elvis Thiel y yiu
Paola Lacle y yiunan na Hulanda
Lisette Lacle y yiu
Suzette Erasmus y famia
Angel Flanegin y famia na Hulanda
Jereld Flanegin
Shannon Flanegin y famia
Sean Flanegin
Sam Flanegin

Su bon bisinanan tanto na Sabana Grandi y Papaya
Claudia y Ronny Geerman

Manera un sobrina Nicole Geerman

Tanta y omonan, prima y primonan

Demas famia,

Flanegin, Angela, Ortiz, Argueta, Thiel, Lacle,
Franken, Ramos-Lanoy, Lugo, Croes, Martijn,
Wulfsen, Erasmus, Vrolijk, Kelly, Eduwardo,
Henriquez, Engelen, Dirksz, Rosel, Carolina,
Willems, Albertsz, Dabian, Geerman

Ta invita pa acto di despedida cual lo tuma lugar na
Aurora Funeral Home diabierna 28 di februari 2025
di 2.00pm - 4.00pm

Nos ta lamenta cu despues di despedida nos no por
ricibi bishita di condolencia na cas.

Nos disculpa si den nos tristesa nos por a lubida un
of otro famia.

Aurora

Royal Pray

Funeral Home & Crematory

Laga tur loke ta spera mi ta
bunita
Laga tur locual cu mi encontra
na caminda ta bunita
Laga tur locual cu mi laga atras
keda bunita y
Laga esakinan termina den tur
buniteza.



Maria G. Kelly

Cariñosamente yama: “Ija” of “Dudu”
*02-08-1943 - †24-02-2025

Yiunan:

Engelberto (Tico) de Mey y Aida Maduro
Silvio de Mey
Lisette y Jos Tromp-de Mey
Yvonne de Mey
Vivian (Marlyn) de Mey y Rafael Plaza

Nieto y nietanan:

Mary Geerman y famia
Carlos Geerman y famia
Jonathan Geerman
Gabriëlle, Nicky y Derron de Mey
Shahid Garrido y Justin Tromp
Cindy y Sergio Dirksz
Vercelo, Marivel, Daniel, Jared Kock y Ravion Plaza

Manera nieta y nietonan:

Clyo Abath
Simba Hoek
Rygel Larmonie

Bisnietonan y Bisnieta:

†Ronin Kaersenhout
Zillion, Zimany Hoek y Liam Larmonie
Caedan Dirksz
Daryan y Dimarion Thielman
Gerson Kock
Jaylani y Jace Kock

Rumannan:

†Juanita y †Mario Palm-Kelly y yiunan
†Simon Kelly y yiunan
†Facundo y †Vera Kelly
Juan y †Irena Kelly-Tromp
Julia y †Dominico Thiel-Kelly y yiunan
Mario y Gala Kelly-Tromp y yiunan
Johanes y Maria Kelly-Wouters y yiunan
Daniel y Edna Kelly-Wouters y yiunan
Anna y Eme Kelly y yiunan
Jacantha y Damiano Kelly y yiunan
Filomena Kelly y yiunan
Ludwina y †Esteban Pastor-Kelly y yiunan
†Chichi Werleman y famia
†Lica Croes y famia

Tata di su nieta y nieto Ermando Dirksz.
Mama di su nietanan y nieto Nadya Speijer.
Tata di su nieto Enrique Garrido.

Subrino/a nan stima, primo/a nan, sobresubrino/a nan y su
bon bisina famia de Vogel.

Hungador nan di Battle Bolas demas conocirnan di team nan
di bolas. Tur su conocirnan di domino.

Demas famia:

Kelly, de Mey, Maduro, Tromp, Kock, Geerman, Garrido,
Dirksz, Speijer, Palm, Thiel, Wouters, Pastor Alvarez,
Werleman, Croes, Plaza, Kelkboom, Abath, Hoek, Larmonie,
Helder, Kaersenhout, Thielman, Donker, Bockhoudt y
Lopez.

Acto di condolencia lo tuma lugar dia 27 di februari 2025
na Aurora Funeral Home di 7or pa 9or di anochi.

Acto di despedida lo tuma lugar dia 28 di februari 2025 na
Aurora Funeral Home di 9or pa 11or di mainta y despues lo
sali pa Santana Pastoor Kraanwinkel na Paradera. Despues di
entierro no ta ricibi bishita na cas.

Nos disculpa si den nos tristesa nos por a lubida algun famia
of conocir.

Aurora

Royal Pray

Funeral Home & Crematory

"Seguro estoy de que la bondad y el amor me seguirán todos los días de mi vida; y en la casa del Señor habitaré para siempre."
Salmo 23:6

Cu dolor na nos curason, pero conforme cu boluntad di Dios, nos ta anuncia fayecimento di nos ser stima:



Sra. Nelida M. Tromp-Yanez
Cariñosamente yama "Juffrouw Neli"
*24-09-1945 - †22-02-2025

Na number di su:
Casa: Eduardo (Eddy) Tromp

Yiunan:
Crissie Tromp y Aisha Tromp
Maxie y †Moly

Rumannan:
Rodolfo y Rosa Yáñez Pérez - Corro y famia
Migdalia y Francisco Yáñez - Wildi y famia
Douglas Yáñez Pérez
Ingrid Yáñez Pérez y famia
Fernando y Ivonne Yáñez Pérez- Hernández y famia
Román y Tibisay Yáñez Pérez - Hernández y famia
José Alberto y Sadi Yáñez Pérez - Pacheco y famia
Hendrik y Sandra Yáñez Pérez - Poblete y famia
†Henry Yáñez Pérez
†Ada Yáñez Pérez
†Francisco y Belkys Yáñez Pérez - Hernández y famia

Cuñanan:
†Margo y †Guillermo Wolff -Tromp y famia
†Hendrik y Mientje Tromp - Ismail y famia
Jani y Shonkita Tromp - Weller y famia
Olga y Jossy Luydens - Tromp
Mario Tromp
†Cristina Tromp
Fernando y Ellen Tromp - Koolman y famia
Eric y Evelyn Tromp - Koolman y famia
†Irena Tromp

Amiganan stima:
Carmen Biesum y Yolanda Wernet
Su grupo di oracion: Celgroup Tamarijn y Celgroup Tamarijn 2 Faith Revival Staff y rumannan den Iglesia Faith Revival y
demas famianan: Tromp, Falconi, Franken, Donata, Wolff, Ismail, Yanez, Weller, Luydens, Koolman, Oduber, Geerman, Granadillo, Romero, Idigoras, Trimon, Brokke, Dijkhoff, Jacobs, Croes.

Despensa nos si den nos tristeza nos a lubida algun hende.

Ta invita tur amigo, bisiaña, conocirnan y tur cu a conoce mama pa asisti na e **acto di entierro** cual lo tuma lugar diabierna, 28 di februari 2025 for di 2or pa 4or di atardi na Royal Funeral Home y despues lo sali pa Santana Catolico na Paradera.

Aurora

Royal Pray

Funeral Home & Crematory

"Señor ta mi wardador, mi'n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa".
Salmo: 23

Cu hopi tristesa pero conforme cu boluntad di Dios nos ta anuncia cu a bay laga nos den brasa di Señor



Sra.vda. Salomé Carrion-Vrolijk
Cariñosamente yama "Missy"
*11-07-1934 - †22-02-2025

Casa: †Apolinario Carrion (Nady)

Yiunan: Anthony (Rocky) Carrion y Martha Carrion
Johnny Carrion
Randolf (Randy) Carrion

Nieto(a)nan: Luigi Carrion y Tamara Perrotte, Desiree Carrion y Luigi van der Linden, Gabriella Carrion, Jean Paul Carrasquilla y Susana Borda, Sarai Carrion, Vanessa Carrion, Randall Carrion, Kenny Carrion

Bisanieto (a) nan: Amelia Carrion, Aiden Carrion, Alica van der Linden, Juan David van der Linden

Ruman nan:
†Julieta Herreira- Vrolijk y Famia
Irma Vrolijk y Famia
†Irena Ermsrang - Vrolijk y Famia
Margo Croes - Vrolijk y Famia
Lucia Peña - Vrolijk y Famia
†Johnny Vrolijk y Famia
†Ines Flanegin- Vrolijk y Famia

Swa y Cuñanan:
†Marcelino Carrion y Famia
†Clemente Carrion y Famia
†Inovia Florencio Carrion y Famia
Greta Henriquez Carrion y Famia
†Luis Beltran Carrion (Tano) y Famia

Miho Amiga:
Vera Kock y Famia
Angela

Sobrino(a) nan, Sobre sobrino(a) nan, Comer y Comper, Ihanan, Cliente(nan) di Centro Comercial Macuarima, Primo(a)nan, amigo y conocirnan, bisiñanan

Demas famia: Carrion, Vrolijk, Koolman, Rosel, Herreira, Perrote, Van der Linden, Carrasquilla, Borda, Florencio, Henriquez, Flanegin, Croes, Ermsrang, Everon, de Los Santos, Almonte, Peña, Kock, Kelly, Vries

Ta invita pa **acto di entierro** cu lo tuma lugar diahuebs 27 di Feb 2025 na Misa Inmaculada Concepcion Santa Cruz di 1 pa 4 di atardi. Despues ta sali pa Santa Catolico na Sta Cruz de Vries

Nos disculpa si den nos tristesa nos por a lubida cualkier persona.

Aurora

Royal Pray

Funeral Home & Crematory

"Señor ta mi wardador, mi'n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa".
Salmo: 23

Nos ta anuncia fayecimento di:
Cynthia Rose Redhead
*18-05-1946 - †22-02-2025



Acto di despedida lo wordo anuncia despues.

Aurora

Royal Pray

Funeral Home & Crematory

Lagrima y flornan por seca, su recu- erdonan y tur loke el a haci y significa pa nos, lo keda graba pa semper den nos mente y curason. "Cerca Dios mi alma ta na paz, ta di DJ'E mi salvacion ta bin"
Salmo 62:1

Cu dolor na nos curason, pero conforme cu boluntad di Dios, nos ta participa fayecimento di nos ser stima:



Sr. Dominico Willems
Cariñosamente yama "Cochi"
*06-12-1938
†24-02-2025

Acto di entierro lo wordo anuncia despues

Aurora

Royal Pray

Funeral Home & Crematory

"Dios ta amor... y amor ta Dios,maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu dolor na nos curason, nos ta participa fayecimento di:

Francisca Reineta Croes



Cariñosamente yama "Stella of Jaja"
*20-09-1950 - †19-02-2025

Acto di entierro lo wordo anuncia despues

Aurora

Royal Pray

Funeral Home & Crematory

The Lord is my shepherd; I shall not want. He makes me lie down in green pastures. He leads me beside still waters. He restores my soul. He leads me in paths of righteousness for his name's sake.
Psalm 23: 1-3

With deep sorrow we announce the passing of:



Janice Policarpio Buenaventura
Better known as "Dang"
*12-01-1981
†25-02-2025

Date and place of condolence will be announced later

Aurora

Royal Pray

Funeral Home & Crematory

"Señor ta mi wardador, mi'n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa".
Salmo: 23

Nos ta anuncia fayecimento di:



Rudolfo Valentino Hieroms
"pa, papi, opa, Rudy, Joe"
*27-06-1961
†25-02-2025

Acto di entierro lo wordo anuncia despues.

E Consejo di Seguridad di ONU ta preocupa tocante e “fragmentacion” di Sudan

(AFP)—Varios miembro di e Consejo di Seguridad di e Organizacion di Naciones Uni (ONU) a expresa ayera nan preocupacion tocante e declaracion di un gobierno paralel di e paraheerito Sudanes Rapid Support Forces (RSF), mientras Kenia ta pusha contra acusacionnan cu el a reconoce e entidad.

Rebeldenan di RSF y nan aliadonan bringando e forsanan gubernamental a acorda ayera pa forma un gobierno rival, causando tension diplomatico entre Sudan y Kenia. E partidonan den acuerdo, firma privadamente na Nairobi, a bisa cu e consitucion ta establece un “gobierno di paz y unidad” den e areanan controla pa e rebeldenan di e

pais norteste Africano. “Intentonan pa e RSF y actornan alinea pa establece un gobierno den e teritorio bao control RSF na Sudan no ta yuda e causa di paz y seguridad den e pais, y ta presenta un riesgo di un particion de facto di e pais,” segun representante di Merca, John Kelley, a conta e reunion di e Consejo di Seguridad.

Embador Britanico, Barbara Woodward, tambe a expresa “gran preocupacion” tocante e desaroyo. “Respet pa e derechonan di Sudan su constitucion, su unidad, soberania y integridad teritorial ta importante y lo ta necesario pa un fin sostenible di e guerra,” el a bisa.

Envionan for di Francia y China a echo e perspectiva

ey, y embador Chines, Fu Cong, a bisa cu e movida “ta riesga un aumento den e fragmentacion di Sudan.”

Embador suplente di Algeria, Toufik Laid Koudri, papiando den nomber di e tres miembronan Africano di e Consejo, esta Algeria, Somalia, Sierra Leone y Guyana, a urgi “e RSF y nan aliadonan pa pone e unidad y interes nacional di Sudan riba tur otro consideracion.”

Embador Sudanes pa ONU, Al-Harith Idriss Al-Harith Mohamed, a denuncia e movida como “un violacion sin precedencia di e constitucion di ONU y e constitucion di e Union Africano,” y a acusa Kenia di tuma “un stap cu ta diseña pa desmantela Sudan.”



Su equivalente Keniano, Erastus Lokaale, a nenga e declaracion aki. “Mi ta reitera cu ni presidente William Futo ni e gobierno di Kenia a reconoce cualkier entidad independiente den Sudan of otro caminda,” el a bisa.

E guerra den Sudan, cual ya a tuma bida di dies miles, di

hende, a surgi despues di un conflicto entre Burhan y Dagglo tocante e estructura di e gobierno den futuro. E guerra a resulta den e crisis di hamber y desplazamento mas grandi na mundo. Ambos banda ta enfrente acusacionnan di comete atrocidadnan grave contra ciudadanonan, y nan lidernan ta sanciona pa Merca.

Lider Bosnio-Serbio haya culpabel di a desafiar enviado di paz

(AFP)—Lider Serbio di Bosnia, Milorad Dodik, a ser sentencia ayera cu un año den prizon den un huicio historico pa desafiar huicionan haci pa un envio internacional encarga cu e maneho di acuerdonan di paz den e pais.

E huicio Sarajevo, cual a sigui algun luna di tension creciente, a ser considera como un posible test di e gobierno zwak di e nacion Balcanico despues cu e lider di e region Bosnio Serb a burla di e acuerdo di paz di e pais.

Dodik a ser condena despues di firma legislacionnan cu a nenga pa reconoce e decisionnan tuma pa e represent-



ante internacional di Bosnia, Christian Schmidt, y e corte constitucional. “E corte a sentencia e acusado, Milorad Dodik pa 1 año di encarcelacion, como tambe un medida di seguridad pa prohibi’e

di cumpli cu debernan di e presidente di e Republica Srpska pa seis año, for di e fecha cu e veredicto bira definitivo,” segun un declaracion for di e Corte di Bosnia y Herzegovina.

Dodik, ken por apela, a denuncia inmediatamente e veredicto y sentencia durante un rally na Banja Luka, e capital di e Republica Srpska (RS), e estado chikito Bosnio Serb den Bosnia. “Nos mester ta contento, mi a ser sentencia pa 1 año pa nan tonteria y nan prison,” el a conta e audiencia presente. “Mi no ta culpable di nada,” el a agrega. Mientras cu e tabata tirando insulto riba Schmidt.

Dodik a ser condena pa nenga di cumpli cu e huicionan duna pa Schmidt, ken ta encarga di e acuerdonan di Dayton di 1995 cu ta pone un fin na un guerra intercomunal den Bosnia cual a tuma

100,000 bida.

Despues di e veredicto, e parlamentario di RS a priminti pa revela e medidanan den futuro pa limita e presencia di e gobierno central den su teritorio. Presidente Serbio, Aleksandar Vucic, a yega na Banja Luka ayera nochi pa un reunion di trabao cu Dodik, bisando cu “cualkier decision cu e Republica di Srpska tuma, Serbia—y ami personalmente—lo para cu nan.”

“Esaki ta un dia unda e Republica di Srpska a ser ataca,” Vucic a bisa den un adres corto dilanti e palacio presidencial di RS, unda casi 100 hende tabata presente.

UE ta critica Trump bisando cu e union ta “beneficioso” pa Merca

(AFP)—E Union Europeo ta algo “beneficioso” pa Merca, segun el a critica e presidente Donald Trump ayera, despues cu el a bisa cu e bloc a ser crea “pa stroba” su pais.

“Union Europeo ta e mercado liber mas grandi na mundo. Y e ta algo beneficioso pa Merca,” segun un fuente di e Comision Europeo, agregando cu UE lo responde “firmemente y inmediatamente” na e tarifanan nobo—un referencia na e menasanan mas recien di Trump.

“Nos mester traha hunto pa preserva e oportunidadnan aki pa nos ciudadanonan y empresanan. No contra otro,” e fuente a bisa. Nan a argumenta cu e mercado di UE “a facilita comercio, a reduci costo pa exportadornan Mericano y a harmonisa e standard- y regulacionnan den e 27 pais miembro.”

Ayera Trump a menasa pa impone un tarifa di 25% riba productonan importa for di Europa. “Wak, ban ta honesto, e Union Europeo a ser forma pa stroba Merca,”

Trump a conta reporteronan na Washington. “Esey ta su proposito, y nan a haci un bon trabao.”

E menasa di tarifanan ta sigui un reunion na Europeo na comienso di luna cual hopi a considera como un cambio importante den relacionnan transatlantico. Papiando na e Conferencia di Seguridad na Munich, vice-presidente Mericano JD Vance a denuncia politicanan Europeo riba asuntonan for di inmigracion pa discurso liber den un adres combativo.



Parlamento di Líbano ta sostene e agenda di gobierno nobo den voto di confiansa

(AFP)—E parlamento di Libanon a pasa un voto di confiansa ayera den e gobierno nobo lidera pa prome minister Nawaf Salam, ken tin e tarea difícil di provee guia via e reformanan economico y reconstrui e pais despues di guerra recién entre Israel y Hezbollah.

Salam a ser eligi mey januari pa forma un gobierno despues cu legisladornan a eligi Joseph Aoun como presidente. Aoun, e candidato preferi di Merca y Saudi Arabia, a drenta e oficina despues cu Hezbollah a keda debilita pa ambos di su guerra cu Israel y e denuncia di su aliado Bashar al-Assad na Siria, cual a stroba e Libanon su balansa di poder.

Sosteni pa Assad y Tehran, Hezbollah a eherce un control poderoso riba politica Libanes mientras tanto tambe ta un forsa militar dentro di e pais. El a ser culpa pa e mas di dos aña cu Libanon a pasa

ba un gobierno demisionario prome cu e apuntamento di Aoun.

E grupo no ta sostene e apuntamento di Salam, pero ayera a vota en favor di e gobierno nobo. Israel a destrui un gran parti di e arsenal di Hezbollah y a mata su liderazgo mas halto, incluyendo hefe Hassan Nasrallah, ken a muri den un atake aereo na Beirut na september.

Despues di dos dia di debate riba un declaracion ministerial pa Salam presentando e plannan di gobierno, 95 legislador a vota en favor y 12 contra, cu cuatro absteniendo. E gobierno nobo ta ser confronta pa e reto di reconstrui un economia den medio di un crisis historico y e devastacion causa pa e guerra entre Hezbollah y Israel.

Tambe e mester yuda enforsa un alto-el-fuego den cual Hezbollah ta rekeri pa kita su infraestructura militar for di e parti sur di Libanon, mientras



e forsanan Israeli ta retira for di e pais. Israel a cumpli cu gran parti di su retiro pero a bisa cu e lo keda indefinitivamente na cinco sitio strategico dentro di Libanon cerca di e frontera.

Den su declaracion ministerial, e gobierno a bisa cu no tabatin necesidad pa implementa un monopolio estatal riba “e obtencion di arma” y

“tomo di decision riba guerra y paz.” E declaracion tambe ta priminti pa adopta un “politica den exterior cu ta traha pa haci Libanon neutral for di conflictonan di e forsanan axis.”

Hezbollah ta un figura clave den e “resistencia di axis” di Iran contra Israel y Merca. Salam tambe mester aborda corrupcion y e necesidad pa

un reforma economico si Libanon kier habri sosten financiero internacional.

E premier a bisa ayera cu e gobierno lo establece “un plan comprensivo pa recuperacion economico y financiero” y “lo cuminsa cu negociacionnan nobo cu e Fondo Monetario Internacional.”

Zelensky lo reuni cu Trump diabierna pa dialoga tocante mineralnan di Ucrania

(AFP) — Presidente Volodymyr Zelensky ta bay reuni cu presidente Mericano Donald Trump diabierna pa finalisa un acuerdo riba e acceso Mericano na e rikesa mineral di Ucrania, cu speransa di gana e sosten Mericano den futuro.

Durante su prome reunion di gabinete ayera, Trump a bisa cu e bishita di e presidente Ucrainiano na Washington “ta confirma” despues di algun di tension entre e dos lidernan riba e acuerdo di mineralnan.

Zelensky, ken ta sinti hopi presion di oficialnan Mericano pa firma e acuerdo, a bisa durante un conferencia di prensa cu despues di su bishita na Washington, e lo tin un dialogo cu prome minister di Reino Uni, Keir Starmer, y otro lidernan Europeo na Britania durante weekend.

E comentario di Zelensky a bin mesora despues cu artilleria Ruso a mata al menos cinco persona den e region oriental di Ucrania cual ta afecta pa guerra, y un atake di drone a tuma bida di dos otro persona cerca di Kyiv, incluyendo



un periodista Ucrainiano.

E discusionnan riba e acuerdo di mineralnan tabata tenso, pasobra e lo duna Merca acceso preferencial na recursonan natural di Ucrania den un intercambio pa sosten di seguridad Mericano.

Oficialnan a bisa diamars

anochi laat cu nan a logra yega na un acuerdo despues di negociamento largo, pero Zelensky a conta periodistanan na Kyiv cu ainda tin hopi trabou difícil pa dilanti.

“E ta un comienso, e ta un acuerdo di estructura,” el a conta periodistanan.

Mas discusionnan entre oficialnan Mericano y Ucrainiano lo dicidi e tipo di garantianan di seguridad pa Ucrania y e suma exacto di placa cu ta involucra den e acuerdonan. “Garantianan di paz y seguridad ta e clave pa preveni Rusia di destrui bida di otro nacionnan,” Zelensky a bisa den su mensahe di video anochi.

Sinembargo, Trump e mina e importancia di Ucrania su aspiracion pa drenta den e alianza di defensa Atlantico, bisando: “NATO — bo por lubida di esey.”

“E ta kere cu probablemente esey ta e motibo cu e conflicto a cuminsa,” el a agrega, refiriendo na e guerra.

Zelensky a bisa cu “e acuerdo por ta un gran exito of simplemente desaparece. Si e ta un exito grandi, mi ta pensa cu esaki ta depende riba nos combersacion cu presidente Trump. Nos lo saca nos conclusion despues.”

E rechazo di Zelensky pa firma e version preliminar di e acuerdo cu a ser entrega na dje na Kyiv pa e secretario di tesoreria di Merca a frus-

tra Trump, ken a yama e lider Ucrainiano un “dictador” despues.

Kremlin tambe a purba gana Trump na su banda, por medio di gab’e y estimulando inversionnan Mericano den recursonan natural den e territorio Ucrainiano cu ta bou control di Rusia.

Diplomaatnan Ruso y Mericano lo reuni na Istanbul awe pa purba soluciona asuntunan relaciona cu nan emba-hadanan, segun e minister di Asunto den Exterior di Rusia, mientras cu tensionnan ta relaha entre e dos paisnan.

Pero tanto Moscu como Kyiv a intensifica atakenan aereo riba nan facilidatnan di energia y militar, hasta ora Trump ta purbando di forsa un acuerdo pa finalisa e conflicto cu Rusia a lansa mas cu tres aña pasa.

Periodistanan di AFP na Kyiv a tende explosionnan despues cu Rusia a lansa su atake di drone, cual e forsa aereo Ucrainiano a bisa despues cu tabata 177 drone di diferente tipo dirigiendo atake riba varios region den e pais.